



Nos futuro briyante cu solo di Aruba

Diabierna 1 di Maart 2024 www.bondia.com Email: noticia@bondia.com Tel: 582-7800 Fax: 582-7044 1,75 Florin



Diasabra: Keda pendiente pa nos edicion di Aruba Vandaag

Mediante acuerdo ta bay reforsa e prome linea di cuidu cu 10 POH pa dokter di cas



Pagina 3

- **BCI a pone persona recoge sushi back y a dun'e boet**

Pagina 2

- **Turistanan ta reacciona ariba noticia di apertura di hotel Secrets**

Pagina 4

- **Aruba lo ricibi 14.2 miyon euro pa proyectonan di digitalisacion**

Pagina 6

Putin ta adverti cu manda trupa na Ucrania ta nifica riesgo di guerra nuclear global



Pagina 23

Duda den parlamento Hulandes tocante continuacion di experimento di cannabis regula



Pagina 9

Colombia: Soldad infiltra di disidencia FARC a muri despues di asesina otro soldadnan



Pagina 10

Island Asia Store

Av. Milio Croes #122 | T. 583-8888 | (front of Price Smart)
2 Story Shopping

15% OFF RIBA PAÑA PA HENDE HOMBER

TUR SIMAN NOS TA RICIBI MERCANCIA NOBO
Y SEMPER NA E MIHOR PRIJS

HORARIO: Dialuna - Diasabra 9AM - 7PM (NON STOP)
Diadomingo 10AM - 2PM

BCI a pone persona recoge sushi back y a dun'e boet

Ayera riba nan pagina oficial di Facebook, Bureau City Inspector (BCI) a publica un video na unda por mira un ciudadano ta piki e sushi cu el a tira ilegalmente, hinca esaki back den su auto y na final a ricibi su boet for di BCI.



Manera e ciudadano aki tin hopi mas cu ta scoce pa benta nan sushi, nan desperdicio banda di caminda, den naturalesa of ta tira esaki den dumpnan ilegal rond di Aruba.

E problematica di sushi na Aruba ta keda un topico di combersacion. Ciudadanonan irresponsabel ta prefera di benta nan sushi unda cu ta en bes di deshaci di esaki di e manera corecto y contribui na mantene Aruba limpi.

Den e caso aki, BCI a logra haya e persona cu a benta un cantidad di sushi den un area publico. E persona aki mester a compana e funcionarianan di BCI pa recoge tur su sushi back y hinca e saconan back den su auto. BCI a graba e video y a publica esaki riba nan pagina di Facebook pa asina demonstra cu actonan irresponsabel tin consecuen-

No solamente e persona aki mester a recoge tur su sushi back, pero el a ricibi un boet tambe for di funcionarianan di BCI door di a tira sushi ilegalmente.

Kedando den e mesun tema di problema di sushi, Dienst Openbare Werken (DOW) tambe a publica ayera algun potret ariba nan pagina di Facebook na unda por mira sushi benta den santo di lama na Baby Beach.

“Ta pidi nos localnan y sigur nos turistanan pa por fabor tene nos beachnan limpi. Esaki no ta e manera pa comporta na nos beachnan. Por fabor tene cuenta,” e publicacion tabata bisa.

E publicacion a capta hopi atencion y ciudadanonan a

expresa nan malcontento pa e situacion cu tin andando.

“Hopi gusta trece mil y un cos lama. Pero ora di bay cas ta laga tur sushi atras. Jammer e mentalidad ey. Hopi biaha nos ta bay cu saco di plastic djis pa piki tur cups, tayo, forki, papel, cabo di sigaria, boter, pamper, straw etc. cu ta keda benta unda nos ta bay lama,” un usuario a comenta.


“Pone watchman riba beach pa vigila ken ta tira sushi y parti boet halto”; “A bira tempo pa hende biba mas netjes, berdad! Bon bisa DOW”; “Mester educa e hendenan cu ta bay lama pa hiba un saco di sushi, dump nan sushi aden y principal hiba e saco cas dump e den nan bari,” ta algun di e otro comentarionan riba e publicacion aki.



Baby beach full of litter.. 🗑️



Pastoor Toti Fuentebella ta invita comunidad na evento pa recauda fondo pa misa di Parokia di Paradera



Pastoor Toti Fuentebella a informa cu parokia di Paradera Santa Filomena ta bay celebra 75 añ di existencia y en conexion cu e celebracion aki nan kier haci algun renobacion den e misa ya cu su ultimo renobacion tabata na 2015.

E verf di e misa tanto paden y pafu ta na mal estado segun e pastoor ta indica y e ta sigura cu a yega tempo pa por sigui mantene loke a ser haci casi nueve añ pasa, nan a haya un quotation di un compania caba cu por haci e trabou aki ademas di drecha e murayan-

an kibra loke ta duna un total di 84.000 florin.

Tambe den e dañonan di infraestructura cu e misa tin na e momentonan aki por ser aprecia den bentananan di vitral, algun parti di e vloer ta kibra specialmente band'i e santuario y debi cu nos ta den un isla saltpeter ta causa dañonan considerabel den otro aspectonan na unda nan tin problema cu esey, santuario ta sufriendo di leak y awa ta drecha den e plafond.

Pa e motibo aki nan ta bay organisa un evento pa recauda fondonan manera nan a haci 2016 ora e parokia a haci un fiesta bailabel un anochi prome cu dia di mama na 2016 na unda nan a recolecta 60 mil florin e tempo ey, manera pastoor Toti ta conta.

E añ aki dia di mama ta cay 12 di mei y nan tin e fiesta bailabel plania pa dia 11 di mei na Renaissance Convention Center for di 8or di anochi te cu 2or di marduga cu



e presentacion di bandanan como Metropolis, N'Fuzion y Robert Jeandor y su Solo Banda Show, pa personanan interesa pa carchinan por acerca na pastoor Toti na Misa di Paradera.

Pa finalisa, pastoor Toti y

parti di e comision di misa di Paradera kier a pidi comunidad pa yuda duna un man na e proyecto aki vooral e temporada aki cu ta di cuaresma y tambe pa celebra e 75 añ di misa di Paradera.

Mediante acuerdo ta bay reforsa e prome linea di cuidado cu 10 POH pa dokternan di cas

Ayera atardi diferente instancia enfoca riba cuidado medico na Aruba a informa tocante e ampliacion di contrato di personal di POH ademas di e introduccion den praktikondersteuners specialisa den Salud Mental, esaki a conta cu e presencia di minister di Salud Dangui Oduber, director di AZV Edwin Jacobs, director di Stichting Wit Gele Kruis Carlos Goeloe y presidente di sindicato AVB di hospital Gina Maduro.

Esaki tabata un momento importante pa cuidado medico na Aruba na unda a informa comunidad tocante e continuacion di e contrato entre Organo Ehecutivo AZV y Stichting Wit Gele Kruis Aruba, esaki ta trata di e ampliacion y e continuacion di praktikondersteuners miho conoci como POH, adicionalmente nan a informa cu nan ta na caminda pa introduci e praktikondersteuners specialisa riba tereno di salud mental conoci como geestelijke gezondheidszorg 'GGZ' cu na 2012 pa prome biaha a cera conoci cu e praktikondersteuners y ayera 12 año despues AZV ta orguyoso di e trabao cu nan a logra y a bisa cu nan lo sigui inverti den su hendenan.

E trabao di POH ta enfoca riba prevencion y nan ta situa na 33 dokter di cas rond di Aruba y 27 di nan ta asisti e dokternan di cas, nan trabao ta cu nan ta purba di atende e pashentnan cu ta sufrí di diabetes, problemanan cardiovascular of otro malesanan cronico, nan tambe ta yuda pashentnan pa nan por tuma un estilo di bida mas saludabel, awor algun praktikondersteuners ta bay yuda den e parti di salud mental cu e mesun estructura y cu na momento cu tin un pashent cu ta bay na su dokter di cas y ta bis'e cu e ta sinti algun problemanan cu ta concerni salud mental, en bes di e dokter warda pa manda un pashent pa un psicologo of un psiquiatra, e por mand'e di biaha na e PHO di GGZ cu lo traha un afspraak den un tempo cortico pa asina atende cu e pashent aki.

Di su parti minister di Salud, Dangui Oduber, a trece dilanti cu nan ta hopi contento di por firma un acuerdo entre AZV y Wit Gele Kruis pa for-



tifica e prome linea di cuidado medico na Aruba, "nos maneho y vision ta pa nos mehora e calidad di cuidado y servicio y percura pa haci inversionnan continuo den cuidado medico pa asina nos por garantiza cu e fondonan ta AZV ta keda sostenibel y tambe garantiza cu por keda ofrece e mesun pakete di seguro cu ta amplio pa nos aseguradonan," minister a bisa.

Di e forma aki tambe ta bay aumenta e cantidad di dokternan di cas pa asina baha e

cantidad di asegurado di cada dokter, nan ta bay crea mas cupo di studio pa dokter di cas na ImSAN cu e huisarts opleiding y awor nan ta bay amplia e cantidad di POH na e praktikondersteuners na dokternan di cas cu 10 POH extra pa baha e presion cu dokternan di cas tin y asina ofrece un miho servicio, tambe nan ta bay haci un otro inversion pa asistentnan di dokternan di cas.

E acuerdo di ayera ta encera cu nan ta bay financia e com-

pletacion di studio di 7 POH cu tin actualmente na e modulonan di cuidado di adulto mayor y promocion di salud.

Dokter Joaquin van Trigt di Huisartsen Vereniging Aruba (HAVA) a splica cu esaki ta un bon noticia pa nan ya cu e trabao y e responsabilidnan di cas a crece hopi den ultimo añanan unda cu nan ta haci hopi mas no solamente pa e parti di cuidado sino tambe di management, nan a ripara cu e tempo cu nan ta dedica na

cada pashent a baha, "p'esey nos mester mas di man y pia afo, pa yuda nos señala ora tin problema y nos por target e problema mas eficientemente, praktikondersteuner ta haci especificamente esey, e ta traha den nos praktijk, e ta parti di nos personal aunke e ta pertenece na WGK, nos tin coordinacion, nos tin consulta tur dia over di nos pashentnan y e miho parti ta cu e ta dedica su tempo na cada pashent cu tin malesa cardiovascular y awor tambe lo bin na e pashentnan cu ta sufrí di salud mental."

Carlos Goeloe Stichting Wit Gele Kruis a menciona cu 12 año pasa Wit Gele Kruis y su persona mes a kere cu mester bin cu un cambio, e tempo ey nan a cuminsa cu 3 persona como POH como proyecto di AZV caminda nan a bira mas formal na Aruba.

"Awor 12 año despues por bisa cu esaki ta un exito rotundo, pasobra Boneiro y Corsou tambe tin nan POH caminda nan a copia loke Aruba ta haciendo, un huisarts ta un drempel pero ora ta trata di e parti mental tin biaha e hendenan tin berguensa, tin un tabu den psiquiatria y mi ta kere cu e POH nos por centralisa e pashent miho y por yud'e mas lihe cu su salud mental," Goeloe a señala.

Gina Maduro di sindicato AVB a señala cu PHO tin un funcion hopi importante y nan ta e wowo extra di e dokter di cas, un sosten pa e parti di prevencion y cu e 27 POH cu tin awor mas esnan cu ta falta por fortifica e parti aki na unda cu e aseguradonan por haya calidad den servicio.

Pa finalisa, Edwin Jacobs director di AZV a señala cu nan ta bay fortifica e cuidado den e proximo añanan y den acuerdo di salud tabatin e fortalecimiento di cuidado den e prome linea, "nos ta mustando e compromiso di AZV, nos ta poniendo e suma pero e trabao dificil ta na Wit Gele Kruis aworaki pa recluta e profesionalnan, nos sa cu no ta facil den e temponan aki pa haya profesionalnan, POH a bin pa keda y esey ta nifica cu nos tin mester sigui inverti den nan y nos mester keda cu e oido pa trahadonan den cuidado den e espacionan financiero cu nos tin," el a comenta.

Turistanan ta reacciona ariba noticia di apertura di hotel Secrets: “Un monstruosidad pa mira”

Recientemente, Gobierno di Aruba a anuncia mediante un comunicado di prensa cu hotel Secrets lo habri pa fin di aña 2024. Pa algun tempo caba, e tema di construccion di hotel Secrets tin comunidad di Aruba dividi, pero cu e anuncio di e apertura di e hotel pa fin di aña aki, turistanan tambe a expresa nan opinion ariba e noticia aki.

Den e comunicado, gobierno a indica cu Prome Minister, Evelyn Wever-Croes a reuni cu desaroyadornan di hotel Secrets na San Nicolas. E desaroyadornan a informa gobierno cu nan trahando pa keda cla cu e prome fase di e hotel pa fin di e aña aki, 2024. Un total di 300 camber ta habri fin di 2024 y e demas cambernan ta wordo dividi den otro dos fase. Fase dos ta e construccion di 300 camber na 2026 y fase 3 ta e construccion di e ultimo 300 camber na 2028.

Gobierno ta considera cu esaki lo bay ta un era nobo pa San Nicolas. “Pa Gabinete Wever-Croes II, desaroyo di San Nicolas ta un prioridad y p’esey ta traha duro pa logra yega na un solucion pa cu e proyecto aki.” Prome Minister a indica cu pa Gobierno e proyecto aki ta uno di gran beneficio mirando cu e lo crea oportunidad laboral y un crecemento economico pa Aruba na San Nicolas y vecindario. Tambe, Gobierno ta invertiendo hopi placa den embebecemento di diferente area incluyendo Baby Beach y Rodgers Beach.

Aruba su pilar economico ta turismo y gobierno su vision ta enfoca ariba e desaroyo di Aruba como producto turistico y hotel Secrets ta parti di e vision di gobierno pa esaki, pero mayoria di turista a expresa di no ta mucho contento cu e desaroyo aki na Baby Beach.

Ariba un pagina popular pa turistanan cu a yega di bishita of ta bay bishita Aruba ariba e plataforma social Facebook, algun dia atras tabatin un cantidad di comentario ariba un publicacion tocante e anuncio di apertura di e hotel Secrets.

“Masha tristo. Gobierno no por a laga tereno di Baby



Beach keda original. Pronto lo tin asina hopi camber di hotel riba e isla y ora nan ta mita gebooked, hende lo keda sin trabao,” un usuario a indica.

Otro ta yam’e “un pena grandi”. E usuario a comenta cu antes Aruba tabata un isla maravioso sin tanto hende, pero aworaki, for di su punto di bista, ta hopi yen y e prijsnan na e isla a cuadruplica.

Otro usuario tambe a comenta cu e situacion ta “masha masha tristo,” pasobra e beach lo keda invadi cu huespednan di hotel. “Lo ta imposibel pa cualkier otro persona haya un pida di santo pa disfruta e maraviya aki. Mi ta hopi contento cu por a bishita durante añanan pasa mientras cu no tabata asina yen, mas cu nada e aña aki tabata completamente loco cu

e cantidad di hende cu tabata aya,” el a agrega.

Otro persona a expresa cu “ta berdaderamente tragico cu no a pone un prohibicion ariba construccion nobo.” Varios otro turista tambe a expresa nan malcontento y a remarca cu Aruba a cambia y cu ya no ta bay tin paz na Baby Beach.

“Aruba a cambia asina hopi desde 2016, nos prome biahe. Masha tristo. Mucho hopi hende y auto! PARA E CONSTRUCCION!”; “Un monstruosidad pa mira. Un eror tragico y dramatico. E fin di e beyesa y paz di Baby Beach”; “Ayo Baby Beach, un gusto di a conoce bo”; “Mas destruccion. Matando boso mes for di paden. Corupcion politico y ambicion na su maximo,” ta

algun di e otro comentarionan cu e turistanan a laga ariba e publicacion di e noticia aki. Otro usuario a señala cu for di su punto di bista, ni Baby Beach ni ningun otro beach tin mester di mas hotel y resort. El a remarca cu e aeropuerto ta regularmente yen te na capacidad y cu barconan di crucero “ridiculamente grandi, e isla berdaderamente no tin mester di mas turista.”

“Mi ta desea cu tur cos por a keda manera e ta. E localnan por biba for di turismo, pero e isla ainda no ta wordo explota completamente. Si esaki sigui asina, e Aruba cu nos tur a namora di dje lo termina manera otro lugarnan den Caribe y mientras cu mi semper lo aprecia e momentonan asombroso aya, lamentablemente lo ta tempo pa mi pa no bolbe bek pa loka

tabata un di e lugarnan mas feliz riba mundo,” e usuario a agrega.

Un grupo di habitante di Sero Colorado a bin ta protesta pa e magnitud di e proyecto hotel Secrets desde 21 di october 2020. E habitantenan aki semper a haci uso di ley pa adverti Gobierno y indirectamente Three Rivers, cu e proyecto no ta cuadra cu ley y no ta cumpli cu e condicionnan di bienestar pa e bisindario. E habitantenan aki tambe semper a informa gobierno den tratamento di casonan na corte cu nan no ta contra di desaroyo turistico, pero e otorgamento di un permiso di construccion tin cu bay a base di ley y maneho. A pesar di ta na altura di e advertencia di parti di e habitantenan, Gobierno a bay a tuma e decision di elimina e ley cu tabata proteha Aruba di cualkier posibel claim di parti di inversionistanan. Gobierno a elimina e articulo 59 di ordenanza di construccion y Vivienda di Aruba cu tabata automaticamente para cualkier construccion ora cu ricibi un obheccion, y asina proteha Aruba financieramente si un inversionista bin cu un claim miyonario pasobra e obra a para, debi cu ta ley a para e obra y no un decision di Gobierno.

Na Aruba mes, opinion ta dividi riba construccion di e hotel, cu algun ciudadano elogiando e desaroyo na San Nicolas. Entre nan San Nicolas Business Association a para fuerte na favor di e hotel aki. Recientemente, e asociacion comercial a post riba nan pagina di Facebook comentando riba e anuncio di gobierno. “Ora e hotel aki tabatin su retonan, nos a para band’i nan, nos a bay sinta cu gobierno na varios ocasion, nos a papia cu varios di e bisinanan, nos a bay Staten defendiendo nan derecho nan di existi, pasobra nos a y sa e importancia di e hotel aki pa trece prosperidad pariba di brug. Un danki di curazon esnan cu a “Say Yes to Secrets”, y na tur otro instancia, compania y gremio, y gobierno cu awe e proyecto aki ta den full swing inaugurando su prome cambernan na December.”

A pesar di continuacion di construccion, e desaroyadornan ainda tin algun caso andando den corte pendiente di resolucion.

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figuerero (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta
sulaika.croes@cspnv.com

Sulaika Croes

Aviso y Arte

Sandra Loefstrop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion
Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



SOLUCIONNAN CU INNOVACION PA ARUBA

Nos futuro briyante cu solo di Aruba

E boletinnan noticiario re-cien den nos sector di energia combina cu e black-outs nacional y local a pone mi sinti pa skirbi un articulo con pais Aruba por produci coriente completamente renobable cu ta 80% mas barata cu nos ta paga awo dentro di 5 aña, y con por crea un modelo nobo di relevancia pa Elmar N.V. y habri un industria nobo di traha Hydrogen Green+.

Heavy Fuel Oil di Venezuela pa Baha Prijs di Coriente Como ciudadano di pais Aruba, mi ta sinti un berguensa asina profundo ora mi wak un Minister traha un video y post e cu yen di fanfaria cu lo baha prijs di coriente usando HFO di Venezuela. Dus letterlijk usando energia di mas sushi cu ningun hende kier, di un pais cu ta sanciona y ta viola derechonan humano basico riba un nivel diario. Si ami tawata Minister di Energia lo no por ni wak mi mes den spiel.

Tur esaki pa mantene control y un monopolio anticua cu ta Utilities mientras cu anos como henter pueblo ta sufri den forma di coriente y awa caro y inflacion secundario.

Prijs di Energia Solar Segun un reportahe oficial publica na Reuters, e prijs di panel solar di mas nobo a cay cu 42% den 12 lunanan cu a pasa. Na Aruba panel bieu di aña pasa ya caba, awe ta duna un return-on-investment di mas cu 30%. Esaki ni papian-do di e panelnan mas experimental basa riba Perovskite. Usando un paper cientifico di Bastiani et al. 2023 (Energy Environ. Sci., 2023,16, 421-429). E panelnan solar den futuro cercano (dentro di 5 aña) por produci coriente pa 3 cen US per kWh. cu ta mas cu 85% mas barata cu e tarifa awo di Elmar N.V.

Awo cu e hermentnan aki disponibel nos como pais ta bay usa HFO??? Esaki ta completamente ilogico. Excess Energy


Den futuro cercano e problema na Aruba lo ta cu prijs di coriente lo ta asina barata y lo tin tanto produccion di mas cu nos mester pensa kico lo bay haci cu tur e "Excess Energy" di mas aki. Den e ramo aki por usa tur e electricidad berde aki pa produci "Green Hydrogen". Esaki lo tin 2 bentaha sumamente grandi. E Hydrogen lo funciona como grid stabilizer cu por wordo usa pa stabilisa e grid. Den tur dos situacion: Ora tin dimas coriente esaki lo bai e planta di Hydrogen y produci esaki cu e coriente excesivo. Na momentonan cu tin di menos coriente e Hydrogen por wordo mobilisa pa mantene e voltahe na nivel adecua.

E Hydrogen "Green" aki lo por wordo exporta na tur sorto di pais full rond mundo. Creando un pilar nobo economico y entrada directo pa Gobierno.


E Stappenplan Awo ta skirbi un articulo publico pa full pueblo di Aruba y vooral nos Parlamentarion-an puntra den manera hopi serio dicon nos no ta usa e don grandi cu Aruba tin cual ta su Solo y ta dicidi di kima HFO di un pais cu ta viola derechonan humano. Simpel pa beneficia gobierno y so monopolio anticua den energia. Wel e monopolio aki ta 100% morto awe caba, awo e pregunta ta con nos por crea un relevancia nobo pa Utilities N.V. wel nos baha prijs di coriente y inflacion pa full pueblo dentro di 5 aña.

Ban papia den terminonan duidelijk kico Gobierno ta suppose di haci: Papia cu fondonan nacional & internacional pa cu e transicion di energia aki. MinEZ ta haciendo hopi bon cu Aruba Investment Summit. Tremendo, awo ban bin cu accion y fondonan pa ehecuta esaki.

Bin cu financiamiento pa panel solar a-la-DUO di Hulanda: Mescos debe di estudio cu ta sin interes y cu mester



wordo paga den un termino di 20 aña plus. Haci mesun cos pa full pueblo Aruba. Bo kier instala un 10Kw sistema di panel solar na bo cas. Well ata bo financiamiento di 0%. Mesun cos cu e financiamiento di un estudio na Hulanda. Bin cu Open Flex Markets. E sistema di tarifa constante ta uno asina primitivo cu mester update esaki cu mercadonan di coriente full open y transparente unda e prijs ta update cada minuut y unda abo por kies ki ora pa bende of compra bo coriente. Wak paisnan manera Australia pa cu esaki den terminonan concretisa. Usa e exceso di coriente pa hydrogren. Un sistema di back-up, grid stabilizer y export den 1.



Aruba a firma un acuerdo financiero cu Union Europeo

Aruba lo ricibi 14.2 miyon euro pa proyectonan di digitalisacion



Diaranson mainta na Brussels a tuma lugha e forum na European Comision. Comision Europeo ta e comision cu ta tuma decision riba fondo cu ta wordo aloca pa e paisnan cu ta miembro di OCTA. Prome Minister, Evelyn Wever-Croes, como Presidente di OCTA, tabata presente y a hiba palabra den number di e 13 pais cu ta pertenece na e asociancion.

El a expresa cu e reunion tabata un positivo, na unda cu nan a reuni cu e European Commissioner, y a trece dilanti kico ta e deseonan cu cada pais tin. A base di esaki, a logra yega na un acuerdo financiero pa e aña binidero di un suma di 15 miyon euro,

cu lo wordo reparti igual den e 13 paisnan, sumando un suma di 1.15 miyon euro pa cada pais. Den e simannan binidero, Gobierno di Aruba lo dicidi cua ta e proyectonan cu nan ta bay scoge pa aloca e fondo aki.

Minister Geoffrey Wever a firma acuerdo financiero di 14.2 miyon euro

Prome Minister a expresa cu e dia di awe ta uno grandi pa pais Aruba, mirando cu Minister di Asunto Economico, Comunicacion y Desaroyo Sostenible, Geoffrey Wever, como e oficial autorisa pa Aruba pa firma, a firma e acuerdo riba e-Government. E proyecto di eGovernment ta un proyecto cu Gabinete Wever-Croes hunto cu e team di Futura y e team di innovacion tin hopi tempo



caba trahando riba dje, di cual a entrega un plan na Union Europeo.

Riba e dia di ayera, Aruba a logra e acuerdo financiero di 14.2 miyon euro pa por finalisa e proyecto di digitalisacion di e procesonan di Gobierno. E suma aki lo wordo duna den trancha. Na momento cu Aruba entrega un plan pa un proyecto, y e wordo aproba, Aruba lo ricibi e placa, y unbes finalisa, lo por aplica pa e siguiente proyecto. Esaki ta pone cu e proceso pa digitalisa e departamentonan di Gobierno lo dura algun aña. Prome Minister a indica cu Gobierno lo identifica cua ta e departamentonan, y cua procesonan tin prioridad. Unbes cu e plan ta cla, lo comunica na comunidad di Aruba, con e placa aki lo wordo usa pa cu digitalisa-

cion di e departamentonan di gobierno.

Implementacion di e programa lo inicia den di dos mitar di 2024 y lo tin un duracion di 4 aña.

“Riba e dia special aki, mi ta sinti mi hopi orguyoso di ta un Arubiano, y mas ainda di ta Prome Minister di pais Aruba. Mi ta gradici tur esnan cu a yuda nos pa yega asina leu, na unda cu awe Minister Geoffrey Wever por a firma e acuerdo financiero di 14.2 miyon euro pa Aruba. Esaki a cay riba un bon momento, ya cu e ultimo proyecto cu Union Europeo a financia pa Aruba ta e facultad nobo di SISSTEM, di cual edificio nobo ta kedando cla na Mei 2024. Esaki ta e Maria Convent na playa cu tabata bandona pa hopi tempo. Awe

e edificio aki ta birando un hoyo cu lo ta parti di Universidad di Aruba pa e facultad di SISSTEM.

“Como Presidente di OCTA, mi compromiso ta pa Aruba sigui bin na remarca pa fondonan asina, y pa haci e proceso di aplicacion pa fondo mas facil pa e 13 paisnan cu ta miembro di OCTA. Pabien Aruba pa un dia asina exitoso na Brussels”, Prome Minister a expresa.

“Mi ta hopi contento y orguyoso di por a representa Aruba awe, na un momento asina importante Pabien na Aruba cu un paso sumamente importante y pabien tambe na colega Minister President Evelyn Wever-Croes y full su team cu a traha riba e proyecto di eGovernment cu awor por wordo implementa.”

E delegacion di Aruba ta consisti di Minister-Presidente Sra. Evelyn Wever-Croes, Minister di Asuntonan Economico, Comunicacion y Desaroyo Sostenibel Sr. Geoffrey Wever, Gevolmachtigd Minister Sr. Ady Thijsen, Directora di Departamento di Asuntonan Economico, Sra. Maria Dijkhoff-Pita y consehero huridico na Aruba Huis, Sra. Shandra John.

Otmar Oduber

Mester reinventa y bin cu maneho nobo den turismo

“Nos turismo a pasa den diferente etapa y a logra supera esakinan,” politico Otmar Oduber a indica den un comunicado di prensa. “Prome cu a bin cu e ley di ATA Sui

Generis y cu a reinventa nos turismo, e retonan tabata placa, mercadeo, organisacion y hotelnan di calidad. Awe e retonan ta nos hendenan.”

Otmar Oduber ta expresa cu awe mester concentra riba percura pa e trahadornan den e industria y tambe esnan cu indirectamente ta depende di turismo, cual ta 90% mester haya beneficio berdadero y directo for di industria di turismo y no solamente e cadena hotelero ta esnan cu ta probecha di nos desaroyo turistico. “Ta yega e momento cu awe gobierno di Aruba hunto cu gremionan mester sinta na mesa pa crea e beneficiacion directo aki pa nos hendenan (CBT-Master Plan) Pa nos hendenan tin un miho entrada, pa nos hendenan tin un miho biba, pa nos hendenan tin un miho infraestructura, miho scolnan, miho enseñansa y miho salubridad”, Oduber ta opina.

Lamentablemente no ta scucha parlamentarionan, gobierno, of otro instancianan reflexiona riba e echo cu a yega asina leu y awo por bin cu un dialogo nacional cu tur partner y bisa con lo bay logra traduci e desaroyo aki den turismo pa tur nos hendenan.

Miembro di Plataforma Nos Pais ta expresa cu no por ta asina cu Aruba ta un di e paisnan cu mas ta depende,



exitosamente, di turismo, pero esaki no ta wordo refleha den nos scolnan, den e material di enseñansa, den e calidad di bida di nos pensionadonan y di nos hendenan en general, entre otro. E ta considera cu e beneficiacion aki mester wordo hinca den un plan di gobernacion cu ta bira e prioridad di e pais aki. E ta agrega tambe cu e calidad di Producto Aruba mester haya atencion, “ta increibel cu awe, na aña 2024, unda cu nos ta papia di hotelnan cu ta cobra den low season 300-350 Dollar, ta gaba cu ADR a subi cu 15%, cu den high season tin hotelnan cu ta cobra 800 dollar y asta mas, pero

e turista y e trahado cu tin cu bay hotel, ta core riba un di e peor careteranan na Aruba. E calidad di e servicio cu e Arubiano tabata duna a bay atras, e calidad di servicio di e stranhero cu a bin yuda nos no t’ey”.

Concluyendo Otmar Oduber a bisa cu ta necesario pa bin cu un maneho coherente, no di e minister di Turismo, di TPF of ATA, e mester ta un maneho di un gobierno den su totalidad. Maneho di un gobierno mester ta uno dirigi pa nos hendenan haya e beneficio directo di e economia cu turismo ta genera pa nos pais.

BROWN
ADVOCATEN/LAWYERS

"FAILLISSEMENT"

Bij vonnis d.d. 21 februari 2024 heeft het Gerecht in Eerste Aanleg van Aruba de naamloze vennootschap Toys 4 Us N.V., gevestigd aan de Wilhelminastraat 81 in Aruba, in staat van faillissement verklaard met benoeming van mr A.H.M. van de Leur tot Rechter-commissaris en ondergetekende, kantoorhoudende te Caya Dr. J.E.M. Arends 12, als curator.

mr E.H.J. Martis
curator"
P.O. Box 651
Oranjestad, Aruba
Tel: (0297) 523-4242
Fax: (0297) 523-4220

Pasaheronan riba crucero nenga di drenta Mauritius pa posibel brote di colera

(NLTimes)—Un crucero cu aproximadamente 2,200 pasahero y un tripulacion di 1,000 hende a keda stationa riba e Ocean Indio diasabra pasa. Mauritius, e destinacion di e crucero, a neng'e entrada debi na un posibel brote di colera riba e barco.

Al menos 14 pasahero y un miembro di tripulacion tabatin diarea y sacamento, e autoridad a bisa. Nan ta isola den nan camber, y barco ta oficialmente den cuarentena. Esther Verdaas, un pasahero Hulandes riba e barco cu su famia, a confirma e situacion. "E unico cos cu nan a bisa nos ta cu definitivamente nos no lo por desembarca te cu dia 27 di februari. Pero esey por dura mas largo. Pasobra



un hende riba e barco por tin colera, y si e cultura muestra esey pa dia 27, e ora nan por extende esaki pa 10 dia mas. Capitan Roger Borg a conta

e pasaheronan cu por tin un brote di colera den Sur Africa y Zimbabwe, y e autoridadnan di Mauritius ta preocupa cu un hende riba e Nor-

wegian Dawn tin e malesa. "Nan a spuit y vacuum tur caminda," segun Verdaads. "E personal ta nervioso, y nos a ser instrui pa laba mas

frecuente y observa regulacionnan di higiena."

Norwegian Cruise Line Holding Ltd., e doño di Norwegian Dawn, a conta USA Today cu e gobierno di Mauritius a pospone e desembaracion pa e crucero y e salida di e proximo crucero te cu diamars pasobra e "autoridadnan local ta rekeri mas test."

Despues di a test, a resulta al fin cu esaki no tabata trata di un brote di colera, sino malesa di stoma. Segun e vocero di e gobierno di Mauritius, ta probabel cu a pasaheronan afecta tabatin gastroenteritis, manera NOS a reporta. Segun e vocero, tur esnan malo a recupera completamente di e malesa.

Vacuna ta funcionando bon contra virus, segun cifranan Mericano ta indica

(AP)—Calculacionnan ta sugeri cu vacunanan ta funcionando bon den e temporada di griep actual na Merca. E vacunanan tabata rond di 40% efectivo den preveni adulto bira malo suficiente for di e griep cu nan mester bay dokter, clinica of hospital, segun oficialnan di salud a bisa durante un reunion di vacuna di e centro di control y prevencion di malesa (CDC) diaranson. Muchanan cu a ser vacuna tabatin 60% menos chens di haya tratamento na oficina di dokter of hospital, e oficialnan a bisa.



Calculacionnan for di cuatro diferente sistema di monitorio a ser presenta na e reunion di un comite cu ta conseha e CDC riba vacunanan. E descubrimentonan a ser reporta como rangonan, pero nan averahe a keda na casi 40% pa adultonan y rond di 60% pa muchanan.

E calculacion di efectividad den adulto ta similar na loke CDC a reporta inicialmente pa e ultimo temporada di griep. E vacunanan a prueba di ta menos efectivo den algun otro temporada recien, e resultadonan influencia pa ki tipo di variante tabata dominante y con bon e vacuna tabata pas na dje.

Un miembro di comite a expresa decepcion na e descubrimentonan recien riba efectividad. "Ta parce cu tin menos resultado pa inmunisacion anual pa influenza," segun Dr. Sarah Long di Drexel University.

Long a puntra si continuo vacunacion, aña tras aña, por resulta den menos reaccion di e sistema immuun. Un oficial di CDC a bisa cu algun investigadonan ta explorando e pregunta ey, te awo sin resultadonan conclusivo. "Un cos si cu ta parce di ta surgiendo consistentemente for di e cosnan aki ta cu en general ta cu ta keda miho na bo pa bo haya vacuna en bes di no," segun Dr. Lisa Grohskopf di CDC.

En general e oficialnan ta satisfecho si e vacuna contra griep ta entre 40 y 60% efectivo. E vacunanan sa funciona miho ora nan ta pas bon contra e variante di griep andante. Oficialnan ta bisa cu esaki ta loke a pasa durante e—relativamente tipico—temporada di griep aki.

Vacunan di griep ta ser recomenda anualmente pa tur hende cu edad di 6 luna bay ariba na Merca. Aproximadamente mita di muchanan eligibel y net menos cu mita di adulto a haya vacuna di griep den e ultimo lunanan, segun data di CDC.

CDC ta uza varios sistema pa monitoria e vacunanan. Un di nan ta un network di hospitalnan cu ta ofrece informacion riba con bon e vacuna ta preveni malesanan relata na griep cu ta rekeri admision na hospital. Un otro ta basa riba data di pashentnan for di clinicanan di cuidu urgente y departamentonan di emergencia na hospital.

BIG 4

BO CHENS DI GANA MAS!

MULTI-X

PICK 4	x2	x3	x5
Afl. 5.000,-	Afl. 10.000,-	Afl. 15.000,-	Afl. 25.000,-

PICK 3	x2	x3	x5
Afl. 700,-	Afl. 1.400,-	Afl. 2.100,-	Afl. 3.500,-

* Ora un bala FP sali y bo a match e numbertan, bo ta gana e premio y bo ta den wega atrobe!

f t i o

www.lottoaruba.com

Cft tocante Corsou:

“Awor ta e momento pa atende cu riesgonan presupuestario”

Hunto cu Sint Maarten y CBCS, Corsou a logra haya un solucion pa e problematica cerca ENNIA. E solucion aki lo acapara un parti considerabel di e presupuesto di e pais, sin embargo, Corsou ainda tin algun espacio financiero. Awor ta e momento pa probecha e espacio aki pa atende cu e sobra riesgonan presupuestario, manera e posicion di debe y e deficitnan den cuidado y seguridad social, tal como Colegio di supervision financiero Corsou y Sint Maarten (Cft) a enfatisa den combersacionnan reciente cu Gobierno di Corsou.



Na final di 2023, hunto cu Sint Maarten y Banco Central di Corsou y Sint Maarten como administrado y supervisor di ENNIA, Corsou a yega na un acuerdo tocante di un solucion pa e problemanan cerca ENNIA. Como parti di e solucion aki, Corsou ta compromete su mes na un contribucion anual di ANG 30 miyon entrante 2027, pa un periodo di 30 aña. A pesar di e desaroyo economico favorable di Corsou, un maneho presupuestario prudente – en

parti den e marco di e obligacion aki–ta di sumo importancia.

Riesgonan pa e presupuesto Ta asina cu e presupuesto di Corsou conoce algun riesgo cu por (sigui) presiona e presupuesto di e pais. Cft ta seriamente preocupa pa e delicades continuo di e situacion financiero di Curaçao Medical Center (CMC) y a enfatisa cu pa mas tarda na 2024 lo mester soluciona es-

aki structuralmente. E situacion di CMC ta un ehemplo pa excelencia di e necesidad mas amplio pa reformacion den cuidado. Corsou ta gasta un parti relativamente grandi di su producto nacional bruto na cuidado. Si no implementa reformanan, contribucionnan adicional for di e presupuesto di e pais ta inevitabel. Ademá, Cft te ainda ta preocupa pa e ingresonan ainda inseguro di e fee di licencia pa oferentenan di we-

ganan di azar. Ta importante pa mitiga e riesgonan aki mas pronto posibel. Awor cu a yega na un solucion pa ENNIA, Corsou a bolbe drenta den negociacion tocante di e tasa di interes di e prestamo pa sosten di likides refinancia di ANG 911 miyon. Si ta asina cu Hulanda efectivamente ta baha e interes riba e prestamo aki, lo ta bon pa Corsou no uza e espacio financiero aki mesora incrementando otro gastonan, sino emplea

esaki pa amortisacion di debe y inversionnan.

Cft a enfatisa tambe e importancia di inversionnan y reformanan duradero. Banda di un maneho presupuestario prudente, inversionnan y reformanan ta e pilarnan riba cua Corsou por realiza un crecemento economico duradero y garantiza e viabilidad di e pago di su debenan.

Pa 2024, Corsou ta presupuesta ANG 133 miyon pa inversionnan nobo, parcialmente financia mediante prestamonan nobo contrata. Sin embargo, e capacidad di implementacion te ainda ta limita. Na 2023, Corsou a realisa aproximadamente mitar di e inversionnan proyecta. P’esey, Cft a urgi Corsou pa aclara e planificacion di likides di e pais, pa asina reconcilia e inversionnan cu e normalisacion di e posicion di debe aumenta. Den e contexto aki, tambe ta di importancia pa identifica debidamente e riesgonan presupuestario.

Cft ta conseha Corsou pa keda actua di manera decisivo y pa mitiga diligentemente tur riesgo pa e presupuesto.

Hulanda:

Riesgo grandi di mal conducta den prizon; 3 guardia acusa di agresion sexual y violacion

(NLTimes) - **Medidanan ta desesperadamente necesario pa combati mal conducta sexual den prizon di hende muhe na Hulanda. Mariette Hamer, e Comisario di Gobierno pa Malconducta Sexual y Violencia Sexual a bisa den su conseho na parlamento riba e mesun dia cu Ministerio Publico (OM) a anuncia cu lo procesa 3 guardia di prizon pa agresion sexual. Un ta acusa di violacion tambe.**



2 guardia ta acusa di ataca 2 hende muhe.

E agresion sexual y violacion a tuma luga den e prizon di hende muhe na Nieuwsluis, Utrecht entre februario y juni di aña 2022. “Despues di reportahe y investigacion, OM a dicidi di formalmente acusa e 3 hende homber di ofensanan sexual,” vocero di OM a confirma na NU.nl diaranson. E victimanan ta 4 hende muhe encarcela na e prizon den e tempo aki.

E no ta cla te ainda ki tempo e acusadonan lo presenta den corte. Vocero a agrega cu e hende muhenan den prizon tambe a otorga 3 otro reportahe cu no a causa un acusacion formal. “Dos reportahe a keda descarta pa falta di evidencia. Un di 3 no a trece ningun investigacion pa motibo cu e reportahe no a duna sospecha di un ofensa criminal.”

Tambe riba diahuebs, Hamer

a manta un reportahe na parlamento bisando cu tin un riesgo grandi di mal conducta sexual den e prizon di hende muhe a causa di e relacion di poder entre e empleadonan y e detenidonan den e herarkia interno, varios situacion di trabao di 1 cu 1 y dependencia riba evaluacionnan individual. “E detenidonan den e institucionnan pa hende muhe tambe tin un tasa mas cu averahe di discapacidad intelectual leve y experiencianan traumatico. Cual ta haci nan vulnerabel na compor-

tamento sexualmente transgresivo,” Hamer a splica.

Hamer a boga pa un cambio di cultura pa asina victimanan ta mas dispuesto pa reporta incidentenan. E kier pa e prizonnan haci hopi mas facil pa e detenidonan reporta comportamiento cu no ta apropiado. Mester tin tambe informacion cla tocante ken pa contacta ora di haci un reportahe, cual mester pasa fuera di prizon. Ademá, e prizoneronan mester por confia cu nan keho lo ser trata independientemente y sin preferencia.

“Den combersacionnan cu detenidonan, mi a tende cu empleadonan ta haci joke tocante e detenidonan of ta menasa nan cu un ‘biahe sin regreso na ISO’, e celdanan solitario. E detenidonan cu ken mi a papia a laga mi sa cu e comentarionan aki tin un impacto fuerte riba nan

a causa di e poder di e empleadonan.” El a conseha pa crea un relacion hopi mas oficial entre e empleadonan y detenidonan, incluyendo pa medio di limita e empleadonan su poder di otorga privilegio na e prizoneronan.

Hamer a agrega cu empleadonan di polis tambe ta enfrente comportamiento transgresivo di parti di detenidonan. “E respuesta di empleadonan semper mester ta di actua cu integridad, sin importa cu dificil esaki por ta. Vengansa pa violencia verbal of fisico of consentimiento pa relacion sexual no ta permititi.”

E comisario di gobierno a enfatisa cu contacto sexual entre e empleado di prizon y detenido ta castigabel pa ley, parcialmente a causa di e falta di balans den poder. “E consentimiento di e detenido, den e caso aki, ta irrelevante,” el a declara.

AWE **MINI MEGA** **MEGA PLUS**

Awo cu 2 florin mas, bo por gana e MEGA PLUS

*** Afl. 550.000,-**

*** Afl. 250.000,- + Afl. 300.000,- extra**

Benta ta sera 7:30 pm y sorteo ta hunga 7:45 pm

HUNGA AWO

LoTo

Duda den parlamento tocante continuacion di experimento di cannabis regula

(NLTimes) - E experimento pa vende cannabis produci legalmente den coffeshop na 10 municipalidad ta ser topa cu hopi resistencia den Tweede Kamer, parti di parlamento Hulandes.

E experimento a cuminsa na fin di aña pasa, despues cu a propone esaki varios biaha y a ser trata na Den Haag pa mas di 10 aña. Tin tiki entusiasmo pa e testnan den e Kamer nobo. E partido mas grandi, PVV, te hasta kier pone un pausa riba esaki te ora cu yega un acuerdo pa un coalicion nobo. Te ainda no ta cla si suficiente partido ta sostene e proposicion aki.

E debate parlamentario tabata tocante e pregunta si e experimento di cannabis mester ser amplia pa inclui e distrito di Amsterdam Oost. Partidonan Cristian ChristenUnie, SGP, CDA ademas

di PVV no ta entusiastico tocante e experimento, mucho menos tocante expande esaki.

“No aña pasa, no awe, no mañan, no experimento cu nos hubentud,” Rene Claassen di PVV a bisa ora di papia tocante su posicion. Ki señal nos kier manda como gobierno; cu uso di droga ta normal of cu nos mester biba saludabel y crece saludabel?” Danielle Jansen di NSC tambe tin reservacionnan “serio” tocante e plan pa expande e experimento di cannabis. Sinembargo, te ainda e no kier tuma un posicion manera sostene PVV su plan di pone un pausa riba esaki. “Mi lo trata esaki cu mi fraccion,” el a comenta.

GroenLinks-PvdA, D66 y VVD ta sostene e experimento di cannabis. Ingrid Michon di VVD sinembargo si tin duda tocante expande esaki na Amsterdam Oost. E

tin preocupacion cu e consecuencianan di provee cannabis legalmente na un parti di e capital y no toronan. “E no ta un secreto cu nos ta mira e experimento aki como un paso importante den direccion di legalisacion y miho regulacion di e cadena di coffeshop,” Joost Sneller di D66 a bisa. E ta prefera pa e gobierno tin bista tocante con cannabis ta produci pa esaki por pasa responsablemente. Tambe e tin speransa cu esaki lo yuda reduci crimen.

E experimento mester demostra si e legalisacion di produccion di cannabis tin e beneficiacion aki, Michon a comenta. E kier tuma “decisionnan basa riba hecho” cu e experimento aki. E ta kere cu e personanan of fraccionnan den contra di e experimento aki ta demasiado estricto y ta basa nan opinion “riba creencia.”



Plan pa construi un miyon cas no ta alcansabel; deficit den vivienda lo keda crece, segun experto

(NLTimes)—E meta di e gabinete demisionario pa construi 981,000 cas prome cu 2030 no ta alcansabel, segun Peter Boelhouwer, un profesor di sistemanan di vivienda na TU Delft. “E tarea ta enorme,” el a bisa durante e Housing Summit na Den Haag diahuebs.

Boelhouwer ta kere cu e deficit den vivienda lo aumenta den e proximo añanan. Otro experto di real estate a indica previamente cu a plannan di e gobierno no ta realistico. E deficit den vivienda lo keda na su nivel mas halto pa e proximo 10 pa 15 aña mientras e poblacion na Hulanda ta sigui crece,” e profesor a pronostica. Tambe no ta claro con e crecemento di poblacion lo desaroya, el a splica. En particular, no ta conoci ainda con inmigracion lo de-



saroya den e proximo añanan. “Nos no ta bay resolve e deficit den vivienda cu construc-

cion di cas so.” Ma e motibo aki, un uzo mas eficiente pa casnan cu

ya ta existi ta crucial, segun Boelhouwer. Por ehempel, e profesor ta pensa cu mas cas

mester ser dividi den varios unit. Varios ciudadnan grandi ta buscando pa uza poder regulatorio pa preveni esaki.

Boelhouwer tambe ta pensa cu e mercado di vivienda mester tin un “shell flexibel,” pa cual e kieren e uzo e uzo di vivienda flexibel. Varios organizacion a presenta nan plan pa accelera e construccion di vivienda na e Housing Summit na Den Haag. Aproximadamente 100,000 cas mester ser construi pa aña pa aborda e crisis di vivienda, segun e provincianan, municipalidadnan, corporacionnan, desaroyadonan, inversornan y organizacionnan di consumo.

Nan ta buscando un contribucion financiero anual di 3 pa 5 bion euro for di gobierno pa por logra esaki.

Por lo menos 42 persona a muri na Bolivia debi na awasero

(France24) – Por lo menos 42 persona a muri y 31.000 famia a resulta afecta pa awaseronan na Bolivia. E cifranan ta corespone na un rapport oficial for di luna di november, pero cu den ultimo dianan a crece “di forma considerabel” debi na intensidad di e yobidan.

Vice-minister di Defensa Civil, Juan Calvinmontes a sigura dia 28 di februari cu tambe a reporta e destruccion completo di 837 cas, ademas di dañonan fuerte na 519 cas mas na henter e pais. Autoridadnan di municipionan afecta ta sigui informa na medianan local e aumento di dañonan y personanan damnifica.

Mas di 800 persona a ser evacua di manera aereo, terrestre of maritimo pa via di e dañonan cu awaseronan a causa na careteranan of poblacionnan cerca di riunan. Inundacionnan a golpia masha hopi mes e zona Andino manera Amazonia y areanan di e centro di e pais, pero departamentonan den alerta



cora cu riesgo di desasternan ta La Paz y Pando, di e cual su capital Cobija tabata inunda te ayera.

Servicio Nacional di Meteorologia y Hidrologia (Senambhi) ademas a confirma cu “precipitacionnan di februari a surpasa hopi mas e

nivelnan historico”, specialmente departamentonan di La Paz y Potosi.

Na La Paz tin 23.373 famia afecta of damnifica, loke ta corespone na 80% di e total nacional.

Maske tin peticion na Gobi-

erno pa ciudad di la Paz lo ser declara situacion di desaster, alcalde Ivan Arias, a descarta tuma e medida pa motibo cu nan ta haciendo e trabounan necesario pa controla e region.

E pio inundacion ta na municipio di Cobija, na Amazonia

Boliviano y frontera cu Brazil, aunke te ainda no a reporta victimanan mortal debi na operacionnan preventivo tuma pa aumento di inundacionnan, segun e alcalde Ana Lucia Reis a bisa.

Den un conferencia di prensa, reis a sigura cu Cobija a ser declara “zona di desaster” y cu no tin recursonan pa enfrenta e crisis pa loke a pidi ayudo na gobierno central.

Mas di 3.500 famia a ser evacua den areanan sigur y na refugionan, Cobija tin cerca di 100.000 habitante.

E poblacion ta haci uso di botonan pa mobilisa den nan cayanan y avenidanan, e brug internacional cu ta uni Cobija cu e ciudad Brasileiro di Brasileia tambe ta bao awa.

Te ayera tabatin 13 municipio declara na henter e pais como areanan di desaster y 317 municipio den alerta oraño ya cu nan ta sufriendo di inundacionnan.

Bolivia tin un poblacion di 12 miyon habitante y tin un total di 337 municipio.

Colombia: Soldad infiltra di disidencia FARC a muri despues di asesina otro soldadnan

(Infobae) – Un dia despues cu a bira conoci e captura di e soldaat regular Alexander Orozco Zambrano, señala di ta e autor material di asesinato di un capitán, un sargento y un soldaat regular di Division Sexto di Ehercito Nacional, e institucion a entrega detayenan di estado di salud di e persona aki.

Segun a informa mediante un comunicado, Orozco a fayece debi na gravedad di su heridan, a pesar cu a ser transporta te departamento di Cauca pa por a haya atencion medico.

Segun informacion di fuenteenan, e persona aki infiltra di disidencia di FARC di 19 año, a fayece mientras tabata den un operacion debi na e dañonan cu tironan a causa den su barica y pia.

E hoben aki ken presuntamente a ser contacta pa un muhe di frente Carolina



Ramirez di Estado Mayor Central, ta e responsabel di e masacre cu a tuma luga 26 di februari den e Batayon di Infanteria di Selva Number 49, ubica na departamento di Putumayo.

E homber a ser captura diamars 26 di februari, despues cu un aeronave di Ehercito Nacional a logra wak’e den un boto, mientras e tabata

purba di scapa den e riu Cauca frontera cu Ecuador.

Na Orozco ta atribui e morto di e capitán Juan Pablo Herrera Mazo, di e sargento segundo Carlos Rojas y di e soldaat regular Yoandris Mejía Mejía, ademas di a laga herido di gravedad otro di su compañeronan ora e tabata purba di scapa di e batayon unda e tabata presta su servicio militar.

E episodio di violencia interno aki ta lamentabel, Ehercito Nacional di Colombia a informa tocante e triple homicidio na e batayon situa na departamento di Putumayo, na unda un capitán, un sargento y un soldaat a muri asesina.

E suceso a ser asocia cu Orozco, un soldaat regular identifica como e presunto autor material di e asesinato. E acto di violencia aki ta atribui na un atake organisa pa un estructura perteneciente na estado Mayor Central (EMC), lidera pa alias Ivan Mordisco.

Den e comunicado di Ehercito tambe ta revela cu debi na labor di inteligencia, a descubri e implicacion di otro tres soldaat cu e mesun unidad, cu a ser contacta presuntamente pa miembronan di estructura Carolina Ramirez.

Den e documento, tambe tin un mensahe di solidaridad di-

rigi na e famianan di e victimanan di e triple homicidio, sigurando cu operacionnan militar ta bay ser intensifica den region cu e obhetivo di haya mas structuranan criminal y combati elementonan di inestabilidad presente.

Ademas, ayera Fiscalia a informa cu nan ta bay investiga e morto di Orozco ya cu tin grabacionnan di personanan particular publica riba rednan social cu a genera un debate riba e operativo di captura di e supuesto persona infiltra di guerrilla.

Ken a atrapa Orozco a sigura cu e tabata purba di scapa, sin embargo, algun personanan presente den e captura no ta respalda e hipotesis ey ya cu den algun video por mira e soldaat Orozco herido, y ta scucha e gritonan cu ta bisa: “Nan a mat’e, nan a mat’e indefensamente pasobra e no tabata arma”

Cuba: Sub-director di un scol acusa di viola un estudiante cu discapacidad

(CiberCuba) - Un mama Cubano ta denuncia cu su yiu muhe, di 15 aña, a wordo viola pa e subdirector di e scol Politécnico Panchito Gómez Toro, di Holguín, unda e mucha muhe tabata bay, kende tin un edad mental diagnostica di 10 aña.

E sucesonan ta bay back na 7 di september ultimo ora cu e homber, usando su autoridad, a hiba e mucha muhe, pa 7:00 am, den un klas situa riba e di cuater piso di e scol, a cera e porta cu un candal y a tene relacion sexual cu e menor sin su consentimiento ya cu e mucha muhe tabata kier sali for di e klas y e subdirector no a permiti esaki. Sinembargo, husticia Cubano ta comprende cu si e no a grita, e no ta un violacion si no un delito menor.

E mama ta den desesperacion pasobra e fiscal Alvaro Wilfredo Sanchez Dominguez a desestima e peticion pa prizon preventivo pa e acusado Miguel Antonio R. S., haci pa



e defensa di e victima. E defensa ta defende cu si ta trata di un violacion pasobra shete dia despues di e sucesonan, dokternan ainda a detecta señalnan di violencia den e mucha muhe. Ta sucede cu e mucha muhe ainda tabata señorita den momento cu e subdirector a cer'e den e klas. Segun e mama di e yiu, e proceso hudicial ta corrupto pasobra e mesun casa di e subdirector di e scol ta sigura

cu esaki tin un ruman muhe di e Seguridad di Estado na Holguin. Pe e desilucion ta grandi pasobra e ta bisa cu nan ta pertenece na "un generacion unda e proteccion di un menor di edad tabata prioridad, unda nos tabata kere cu husticia tabata existi y cu si bo bira victima di un caso di mala suerte, por acudi na Estado pa proteccion. Mi tabata di e generacion ey", el a bisa den un carta manda na

CiberCuba. "Awe mi a realiza cu e diferencia entre un violacion sexual of no, entre edadnan di 12 pa 18 aña, ta depende di un palabra so: consentimiento. Awe mi ta sinti mi desampara, frustra, pero no venci", el a agrega den su carta. E tin dolor tambe pasobra "e funcionarionan na ken nos a deposita confiansa pa haci hustisia y control, ta yen di prehuicio y insensibilidad y

ta pura pa termina y aumenta un statistica". Na e punto aki el a conta e experiencia desagradabel cu su yiu a biba den e interrogatorio na cual el a wordo someti pa un funcionario cu no a compronde cu e tabata haci pregunta na un mucha muhe viola y cu un grado di discapacidad. Den e entrevista, segun el splica, nan a obliga su yiu pa contesta cu un si of un no. E mucha muhe, kende ta ricibi tratamiento psicologico desde cu e tabatin cinco aña, pasobra e ta timido, retrai y tin "un capacidad mental reduci", a cambia di un nochi pa otro despues di e suceso. E mama a cuminda nota cu e yiu ta drumi malo y ta papia drumi. Finalmente el a haya sa pasobra e mucha muhe a menciona esaki na un amiga di e politecnico y e amiga a bisa esaki na su mama kende, na su turno, a conta e guia base di su scol. E juffrouw aki tabata ken a yama e mama di e mucha muhe y inform'e di loke a sucede.

Trinidad y Tobago: Les suspendi na scol secundario Toco pa motibo di candela

(TrinidadExpress) - Cuerpo Policial di Trinidad y Tobago ta trata di determina kico a pasa cu a kibra den e scol secundario Toco ayera mainta pasobra tin sospecho cu e persona cu a drenta por a cende candela den un di e klasnan.

Mientras detayenan di e incidente ainda tabata no disponibel pa ultimo anochi, Trinidad Express a wordo informa cu, algun 12 ora mas tempran, oficialnan na e cafeteria di e scol a detecta huma na tereno di e scol.

Pronto e personal a bin

ripara cu un di e klasnan di e scol tabata kimando y cu e candela tabata sigui expande pa otro klasnan.

Cuerpo Policial y servicionan di bombero a wordo notifica mesora y un ekipo di oficialnan di Division Oriental, bao liderazgo di Senior

Supt Ryan Khan, a contesta y a logra contene e candela y evita cu el a sigui expande.

Director di e scol, Verona Davis Modeste, a wordo notifica di e situacion como tambe su ekipo ehecutivo y otro maestronan di e scol. Sinembargo, pa motibo di e presencia di huma, e directiva di socol a tuma e decision pa para e lesnan di ayera. Mayor- y studentenan a wordo notifica despues ariba e situacion.

Mientras ningun persona a sali herida, e incidente a laga oficialnan di e scol y agentenan policial preocupa, pasobra nan a tuma nota cu durante e ultimo dos simannan, tabatin reportahenan di violencia entre studentenan na tereno di e scol cu varios pelea y menasa cu a wordo haci. E menasanan aki a wordo publica ariba rednan social.

Den un di e menasanan, un estudiante supuestamente a indica cu e lo "kima" e scol. Polis ainda no a confirma un correlacion directo entre e publicacionnan aki y kico a sucede ayera na e scol.

Despues cu e publicacion a bira publico, Trinidad and Tobago Unified Teachers Association (TTUTA) a emiti un yamada na tanto e Servicio di Polis (TTPS) como e Servicio di Bombero (TTFS) pa conduci un investigacion rapido tocante e candela. "TTUTA ta condena, den e manera mas fuerte posible, e acto malicioso y criminal na e scol secundario Toco, y, door di extension, e comunidad di Toco.

TTUTA no ta bay tolera ningun tipo di accion cu ta disrupti y menasa e administracion efectivo di e proceso di enseñansa y aprendisahe. TTUTA yama e TTPS y e TTFS pa conduci un investigacion rapido, resultando den e aresto y persecucion di e persona(nan) responsable di e acto horibel aki.

TTUTA a yama tambe e Ministerio di Educacion pa inmediatamente efectua reparacion y/of construccion pa minimalisa e disruption di e klasnan cu a wordo afecta," e comunicado a bisa.



Oprah Winfrey ta sali for di directiva di WeightWatchers

Y ta haci donacion di tur su interes den e compania na un museo



(AP) – Oprah Winfrey ta bay sali for di directiva di WeightWatchers y duna tur su interes den e compania como donacion na un museo.

Winfrey, ken a conta e revista People den december cu e ta usando un medicamento di perdida di peso, tin desde

aña 2015 como parti di e directiva. E no lo ta presente pa reeleccion na WeightWatchers su reunion anual den mei.

WW International a bisa den un documento regulatorio cu Winfrey su decision “no tabata resultado di ningun desacuerdo cu e compania tocante cualkier topico cu ta

encera e compania su operacionnan, politicanan ni tampoco practicanan.” E tamaño di e directiva lo bay di 10 pa 9 miembro despues di e reunion anual, e compania na New York a agrega.

“Mi ta anticipa un colaboracion y conseho continuo cu WeightWatchers y su CEO Sima Sistani den eleva e combersacion tocante reconoce obesidad como un condicion cronico, traha pa reduci e stigma y boga pa un salud igual,” Winfrey a bisa.

Segun FactSet, Winfrey su bienes di mas o menos 1.1 miyon a haci su persona e compania su shareholder mas grandi, cu un interes di 1.45%. Winfrey a bisa cu e lo duna tur esaki den donacion na National Museum of African American History and Culture, parti di Smithsonian Institution na Washington. E compania a bisa cu nan ta sostene Winfrey su decision pa duna tur esaki den donacion durante WeightWatchers su

bentana binidero.

“Winfrey ta haciendo e donacion aki pa sostene e meta di NMAAHC di promove y enfatisa e contribucionnan di Americanonan Africano y tambe pa elimina cualkier conflicto di interes percibi awo cu e ta bebiendo medicamento pa perdida di peso,” e compania a bisa. “Ademas, Winfrey tin e intencion di duna den donacion cualkier

ganashi genera cu WeightWatchers na NMAAHC.”

Casi un aña atras, WeightWatchers a bisa cu nan tambe lo drenta e negoshi di medicamento pa perdida di peso cu un adkision di 106 miyon dollar pa compra Sequence, un proveedor di salud cu un ganashi anual di 25 miyon dollar y mas o menos 24,000 miembro.



Prins Wiliam ta condena antisemitismo durante bishita na Sinagoga



(AP) – Prins William a condena antisemitismo durante un bishita na un Sinagoga na London riba diahuebs, e prome biaha cu e ta aparece den publico despues cu el a sali for di un evento real anteriormente den e siman.

William, heredero di e trono, a tende di con studiantenan Hudiu den Reino Uni a ser afecta pa e aumento di odio contra e comunidad Hudiu durante su bishita na Western Marble Arch Synagogue. Tambe el a pasa tempo cu Re-

nee Salt, un sobreviviente di e Holocausto di 94 aña.

E miembro di famia Real y su casa Catherine, Prinses di Wales, ta extremadamente preocupa tocante e aumento di antisemitismo. “Mi ta aki awe pa sigura boso tur cu hende ta worry, hende si ta tende y nos no por laga esaki continua,” el a comenta. William a papia tambe sin pasa contra e guerra na Gaza y a haci yamado pa e conflicto caba “lo mas pronto posibel.” Mientras su declaracion no a haci un yamado directo pa



un alto al fuego, el a papia tocante un “costo humano teribel den e conflicto desde e atake di Hamas” y a urgi pa mas sosten humanitario na Gaza. Reportahe di ambos abuso anti-Musulman y antisemitico na Britania a aumenta drasticamente desde e atake di Hamas na Israel, cual a causa Israel su invasion di

Gaza. William su ausencia diamars a hala atencion di media pa motibo cu esaki ta bini na un tempo unda William su tata, Rey Charles III y su casa ambos ta sufriendo di problemanan di salud. Oficialnan di e palacio a bisa cu William no a atende a causa di “un asunto personal.”

Nan a rechasa di elabora pero si a agrega cu su casa ken ta recuperando di un operacion cu el a tene den januari ta sigui recupera.

Charles, ken actualmente ta ricibiendo tratamiento pa un forma di cancer cu no a ser revela, a cancela tur su aparicionan publico.

March Madness

amc unicon



NOW 499
WAS 599

SLEEP ON IT
BACK SUPPORT MATTRESS 4'6 (BMT30B-1503)



NOW 599
WAS 899

RESTONIC
RESTONIC CHIROTONIC PILLOWTOP MATTRESS QUEEN (BMT2EF-5056)



NOW 599
WAS 799

Serta
SERTA SPINAPEDIC EXTRA FIRM MATTRESS FULL (BMT2B1-3519)



NOW 799
WAS 1199

Serta
SERTA-5'0/QUEEN SPINAPEDIC PILLOWTOP MATTRESS (BMT2B4-3523)



NOW 999
WAS 1299

RESTONIC
COMFORT CARE PILLOWTOP MATTRESS QUEEN (BMT304-5061)



AMC EAGLE MEGASTORE 569-2407
AMC DAKOTA 569-3730
AMC SAN NICOLAAS 568-9070

HORARIO: 9AM - 6PM
DIALUNA PA DIASABRA



Accidente riba rotonde banda di ex-Piet Soda Fountain

Diaranson mainta a drenta informe di un accidente na De La Sallestraat riba rotonde banda di ex-Piet Soda Fountain. Mesora a dirigi un patruya na e sitio.

Na yegada di e patruya a bin compronde cu aki ta trata di un accidente riba e rotonde unda un SUV blanco lo a dal tras di un SUV preto. Afortunadamente ningun persona a resulta herida. E patruya a tuma datos di e accidente aki.



Chauffeur a bira malo tras di stuur y accidenta na Caya Ernesto Petronia



Diaranson mainta a drenta informe di un accidente cu hende herida na Caya Ernesto Petronia. Mesora dirigi tanto polis como ambulance na e sitio.

Na yegada di e patruya a bin compronde cu chauffeur di un auto cora lo a bira malo tras di stuur, baha caminda, dal un auto y bay dal den cura di cas. Na yegada di e ambulance nan a atende e victima y a transport'e pa hospital. Polis a cera caminda pa desvia trafico y a tuma datos di e accidente aki.

Chauffeur a reverse dal riba un palo di luz na Hooiberg



Diaranson mainta a drenta informe di un accidente na Hooiberg, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e

chauffeur di un Mitsubishi Eclipse Cross a bay reverse pero no a mira e palo di luz memey su tras y a bay dal riba esaki causando daño na su auto. Afortunadamente ningun hende a resulta herida.

Na Ponton un chauffeur a nota un boa saliendo for di motor di su auto mientras e tabata stuur

Diaranson madruga a drenta informe di cu tin un boa den motor di un auto na Ponton, mesora a dirigi patruyanan na e sitio.

Na yegada di e patruya a bin constata cu rond di e motor di e auto tin un boa lora rond. Polis a purba bay saca e boa pero esaki tabata purba ataca e polisnan. Despues di a usa tactica polis a logra saca e boa for di e motor. E chauffeur a keda di hiba e auto na un mecanico pa asina mira si por tin mas boa den e motor.



Polis a detene homber cu a manda treat tur hende den bar pero no tabata tin placa

Diaranson madruga a drenta informe di un problema na un bar na Paradera, mesora a dirigi un patruya na e sitio.

Na yegada di e patruya a bin compronde cu aki ta trata di un persona cu a bebe y manda treat rond pa tur hende den e bar pero ora di paga a

ripara cu e no tabata tin placa. Polis a intermedia pero na final a detene e homber cu no tabata tin placa.



we ganan
Interinsular

APERTURA

Fecha: 1 di maart 2024

Ora: 9 AM – 10 AM

Luga: Compleho Deportivo Frans Figaroa (Aruba)

Bo(so) presencia ta altamente aprecia.



Ministerio di Enseñansa y Deporte



Biden ta exige un investigación Mericano riba riesgo na seguridad nacional di 'smart car' Chines



(AP) - Citando riesgonan potencial na seguridad nacional, e administracion di Biden lo investiga 'smart car' Chines cu por reuni informacion sensitivo tocante e Mericanonan cu haci uso di esaki.

E investigación por causa regulacionnan nobo cu e meta di preveni China di usa tecnolo-

gia sofisticada den vehiculonan electrico y otro vehiculonan conecta pa monitor e chauffeurnan y nan informacion personal. Oficialnan ta preocupa cu e funcionnan di e tecnologia pa asisti chauffeur cu por ser usa pa efectivamente monitor Mericanonan.

Mientras e accion ta caba net prome cu e importacion

Chines, President Joe Biden a bisa cu e lo tuma pasonan pa salvaguardia e data di Mericanonan.

“China ta determina den domina e futuro di e mercado di vehiculo, incluyendo pa medio di usa practicanan in-husto,” Biden a bisa den un declaracion diahuebs. “China su politicanan por yena nos mercado cu su vehiculonan, poniendo riesgo na nos seguridad nacional. Mi no ta bay laga esaki pasa mientras mi ta den mando.”

Biden y otro oficialnan a nota cu China a impone restriccionnan amplio riba autonon Mericano y otro vehiculonan di exterior. Secretario di comercio Gina Raimondo a bisa cu “vehiculonan conecta ta “manera smart phone riba wiel” y ta posee un riesgo na e seguridad nacional serio.



“E vehiculonan aki ta conecta na internet. Esaki ta colecta un cantidad grandi di data sensitivo riba e chauffeurnan y informacion personal, informacion biometrico, unda e vehiculo ta bay,” el a conta reporteronan diaranson. “Esaki no ta tuma hopi imaginacion pa saca afo con un enemigo manera China, cu acceso na e tipo di informacion aki na es-

cala, por posee un riesgo serio pa nos seguridad nacional y e privacidad di e ciudadanonan Mericano.”

Coleccion di data no ta e unico preocupacion, su persona y e otro oficialnan a bisa. Vehiculonan conecta tambe por ser activa for di leu y manipula pa mal actornan.

Creador di robot humanoide Figure ta partner cu OpenAI y ta ricibi sosten di gigantenan tecnologico manera Jeff Bezos



(AP) - Chat-GPT su creador ta buscando manera di combina su sistema di inteligencia artificial den curpa di robotnan cu ta semehante na ser humano cu e compania Figure.

E compania basa na Sunnyvale, California Figure a anuncia partnership diahuebs conhuntamente cu 627 milyon den fondo for di un grupo cu ta inclui e fundador di Amazon Jeff Bezos, ademas di Microsoft, creador di chip Nvidia y e agencia di fondo di Intel y OpenAI.

Figure tin menos di 2 año y no tin un producto comercial pero ta buscando atrae sostenedornan inflencial den e industria di tecnologia

pa sostiene su vision di hiba biyones di robot similar na ser humano na lugarnan di trabao y hogarnan rond di mundo. “Si nos por yega na robotnan cu por haci e trabao cu ser humano no kier haci pa motibo cu tin un falta di habilidad, nos por bende mision y te hasta biyones di e robotnan aki,” CEO di Figure Brett Adcock a conta The Associated Press aña pasa.

Pa OpenAI, cual tin tempo trahando den investigacion di robot prome cu pone enfoca riba e modelonan di lenguahe cu ta podera Chat-GPT, e partnership lo “habri posibilidadnan nobo pa con robotnan por yuda den bida diario,” Peter Welinder, e compania su vice presidente

a skirbi den un declaracion skirbi.

Terminonan financiero di e trato entre Figure y OpenAI no a keda revela. E colaboracion lo tin un edificio di AI specialisa den modelonan di AI pa Figure su robotnan, cu probablemente lo ta basa riba OpenAI su tecnologia existente manera GPT su modelonan, e generador di imagen DALL-E y e generador di video nobo Sora. Esaki lo yuda “acelera Figure su tempo comercial” pa medio di permiti su robotnan “procesa y compronde” lenguahe segun Figure su anuncio. E compania a anuncia den januari di acuerdo cu BMW pa pone su robotnan den uso na plantanan di fabricacion den


Spartanburg, South Carolina, pero te ainda no a determina con ni den ki tempo nan lo ser usa.

Expertonan di robot tin opinion diferente den con until e robotnan den forma di ser humano lo ta. Mayoria robot cu ta traha den fabrica y warehouse tin funcionnan manera un bestia, un man robotico, dedenan of te hasta pia, pero nan no ta completamente den forma di ser humano. Esaki ta parcialmente pa motibo cu a tuma decada pa ingenieronan di robot desaroya robotnan cu por cana efectivamente riba dos pia of confiablemente manipula obhetonan chikito.

OpenAI su CEO Sam Altman a duna pista na interes renoba den robotica den un podcast

cu ta anfitriona pa Microsoft su co-fundador Bill Gates y a ser lansa anteriormente e año aki den cual Altman a bisa cu e compania a cuminsa cu inversion den plataformanan di hardware robotico despues di a bandona su propio investigacion. “Nos a cuminsa cu robot demasiado trempan y pa motibo aki nos mester a pone e proyecto den pausa,” Altman a comenta, agregando cu “nos tabata lidiando cu mal simuladornan” cu tabata distrae for di e compania su otro trabaonan.

“Nos a realiza cada biaha mas y mas cu loke nos tin mester den prome luga ta inteligencia y cognicion y despues nos por saca afo con pa adapta esaki y converti esaki den algo fisico,” el a splica.




Prome stadion construi pa un club di futbol nacional femenino ta cla pa apertura na Kansas City

(AP)—Pa prome biaha den e historia di e Liga di Futbol Nacional Femenino—y porta, futbol profesional rond mundo—e Kansas City Current tin un cas di nan mes. Construi na un costo di casi 120 miyon dollar riba e oriya di e Riu Missouri, cu a skyline di e centro di ciudad na parti zuid, CPKC Stadium ta representa un di e par facilidad na mundo cu a ser construi expresivamente pa e uzo di atletanan femenino.

E stadion cu 11,000 asiento, casi completamente financia privadamente, lo ser batista dia 16 di maart, ora e Current ta hunga contra e Portland Thorns den un wega televisa pa ABC, proveendo demostracion nacional pa con leu e club y e deporte a yega.

Cuminsa cu e wega mes, cual un siglo pasa na Inglatera a impone un prohibicion riba hende muhe hungando weganan profesional den stadionnan uza pa hende homber. E deporta a bay riba un hiato durante e Prome Guerra Mundial cu hopi hende homber luchando den exterior, y weganan envolviendo hende muhe a bira asina



popular den nan stadion cu 50,000 of mas lo presenta pa mira wega na luganan manera Goodison Park.

E curpa gobernante di e deporte, e Asociacion di Futbol, a sinti menasa pa e exito y a dicidi cu e wega tabata “inadecua pa hende muhe,” y pa mas cu cinco decada a prohibi hende muhe di hunga den cualkier tereno afilia cu FA. E prohibicion eventualmente a ser kita pero el a tuma varios decada mas pa weganan di hende muhe cuminsa haya

atraccion rond mundo. Y na Merca, varios liga a forma y a kibra durante e añanan prome cu NWSL porfin a haya un duradero.

Asina mes, mayoria di e 14 ekiponan den e liga ta huur stadion, of si nan ta propietario di un club di Liga Mayor, nan ta hunga den stadionnan construi pa hende homber. E predecesor di e Current, conoci como FC Kansas City prome cu el a kibra na 2017, a hunga varios biaha den un stadion di futbol Mericano di

scol secundario, un stadion di futbol universitario y e tereno di entrenamiento di club di MLS Sporting KC.

Ora e club a reforma como e Current na 2021, el a cuminsa hunga den un parke di baseball di liga menor prome cu el a muda bay na e Children’s Mercy Park, un di e hoyanan di MLS pero un stadion cu a pertenece completamente na un otro hende.

Pero e vision di e grupo di propietario di e club, lidera

pa Chris y Angie Long y incluyendo inversornan manera e capitan di Chiefs Patrick Mahomes y su casa, Brittany, tabata pa construi facilidadnan di nan mes. Nan a cuminsa cu un facilidad di entrenamiento di 18 miyon dollar, despues a enfoca riba e stadion, unda nan por controla e standardnan, planificacion y mas importante di tur, entrada.

“Esaki ta hisa e nivel,” segun Chris Long a conta AP. “Hende ta bay kier ta eyan. Nan ta bay kier ta den Kansas City. Y mi ta pensa cu esey ta causa un efecto globalmente, poniendo facilidadnan elite dilanti pa atletanan femenino.”

Cu deporte femenino birando mas popular, e stadion a bin na un momento perfecto. E temporada mas recien di e WNBA, di cual ekiponan di basketball en general ta huur facilidadnan, a haya e audiencia di television mas halto den mas di dos decada. E prome temporada di e Professional Women’s Hockey League ta na caminda. Y audiencia di deporte universitario, cual a ser marca pa e persecucion pa crea historia di top atleta di basketball Caitlin Clark, tambe ta birando mas popular.

Gobierno Britanico ta bay haci regulacion di doñonan di futbol mas estricto

(AP)—Plannan pa haci e regulacion di doñonan di clubnan di futbol Ingles mas estricto lo no descarta mas compras cu sosten di estado, segun un minister di gobierno Britanico a bisa diahuebs.


E legislacion Football Governance Bill lo duna un regulador independiente poder pa proteha e futuro di clubnan y sigura nan sostenibilidad financiero. Esaki ta inclui testnan fortaleza pa ken por ta doño of por maneha nan mesun club.

E Secretaria di Cutlura Lucy Frazer a bisa cu e gobierno no a propone pa blokia inversionnan sosteni pa e estado, manera e compra di Saudi di e club Newcastle na 2021. “Loke nos kier (ta) sigura cu clubnan ta financieramente sostenibel, no ken ta doño di nan. Pues e legislacion no ta bay bisa si un estado den

exterior, por ehempel, por ta doño di un club,” Frazer a bisa na e Business of Football Conference. “Loke nos ta interesa den dje como gobierno ta cu e hendenan cu ta maneha e clubnan haci esaki bon y pa nan sobrevivir. Di esey ta loke a legislacion ta trata.”

E fondo di rikesa di e soberania di Saudi Arabia a lidera e compra di Newcastle como parti di e decision di e reino pa bira un “hot spot” pa futbol global. E famia real di Abu Dhabi a compra Manchester City na 2008 y a transforma e club den un di e forsanan mas dominante den Europa. City a gana un monton di trofeo e ultimo temporada incluyendo pa e Premier League, Champions League y FA Cup.

“Nos ta un gobierno conservativo. No kier regula demasiado, nos djis kier resolve



e problema aki tocante sostenibilidad financiero,” Frazer a bisa. “Pues loke nos ta haciendo pa sigura estabilidad financiero ta sigura pa doño-directornan haal un test pa

asina bon hende ta maneha e clubnan, y clubnan tin plannan financiero y tin estabilidad financiero dentro di nan.” Bao propuestanan, reguladornan tambe lo tin e poder

pa blokia ekiponan Ingles di purba participa den un liga separa, manera e European Super League na 2021 cu a fracasa.

Campeon Olimpico den ciclismo di track Shanne Braspenninx ta retira inmediatamente

(NLTimes)—Ciclista di track Shanne Braspenninx a retira for di ciclismo cu efecto inmediato. E campeon Olimpico di 32 año den e evento di ciclismo Hapones keirin ta bisa cu e no por haya e motivacion mas y e diversion a bay, segun e sindicato di ciclismo KNWU.

Braspenninx a gana oro durante e Weganan Olimpico na Tokio na 2021. “Mi kier a probecha lo mas hopi posible di mi carera, y riba e dia ey, tur cos a bin hunto. Mi ta hopi orguyoso di esey,” el a conta NOS. E ciclista ta yama e oro den e keirin “e gloria di su carera.”

E ciclista tabata ausente na e Campeonatonan Europeo

na Apeldoorn. E no tabata fit suficiente pa participa. Braspenninx a bisa cu el a haya tempo y espacio for di KNWU durante e ultimo lunanan pa pensa riba su carera. “Despues di mi medaya oro na Tokio, no tabatin mucho tempo pa refleha,” el a conta na e asociacion di ciclismo. “E Campeonatonan Europeo, Copa Mundial, Y e Liga di Campeonnan di Track a bin despues di e Weganan. Tambe mi tabata traha pa obtene mi diploma Master’s den Management Sciences, y tambe mi a cumpra y renoba un cas hunto cu Jeffrey,” el a bisa tocante su pareha y campeon di ciclismo di track Olimpico, Jeffrey Hoogland. “Mi a core temponan lihe den training y competencianan pero no a disfruta mucho di dje mas.”

Braspenninx a estrena riba e escenario internacional na 2015 cu brons na e Campeonatonan Europeo den e keirin y e sprint di ekipo. El a tuma e silver den e keirin na e Copa Mundial na 2015. Den e mesun año, el a haya un ataca di curason durante un campo di entrenamiento na Merca y mester a haya operacion. El a haya permiso pa continua cu su carera seis luna despues. Esey a resulta den oro Olimpico y dos titulo Europeo na e sprint di ekipo y sprint na 2021.

Ainda e no tin plannan concreto. “Mi no sa kico mi ta bay haci awo. Pero prome, mi kier cera e porta aki prome cu mi cuminsa cu un capitulo nobo den mi bida. Mi ta bay laga tur cos bin cerca



mi pa un rato.” Director tecnico Wilbert Broekhuizen di KNWU ta gradici Braspenninx pa e añanan tremendo di deporte di nivel halto “cu

e medaya oro na e Weganan Olimpico na Tokio como parti mas asombroso.”

Potret cortesia di KNWU.

Horner ta rechasa acusacion di mal conducta despues di supuesto evidencia

(AP)—E principal di e ekipo Red Bull den Formula One, Christian Horner a rechasa “speculacionnan anonimo” despues cu supuesto evidencia den su investigacion di malaconducta a ser distribui diahuebs.

Horner a lidera e ekipo di Red Bull den entrenamiento pa e Bahrain Gran Prix, un dia despues cu e compania di e ekipo a rechasa un keho cu a alega malaconducta contra un empleado di ekipo.

Mientras cu e segunda entre-



namento tabata andante, un documento di Google Drive

cu supuestamente ta contene e evidencia presenta contra Horner a ser manda via e-mail pa casi 200 hende den e paddock di F1, incluyendo Liberty Media, F1 y e FIA, e otro nueve principalnan di ekipo y varios media. E autenticidad di e documentonan no a ser verifica pa AP, y e documento a bin for di un cuenta di gmail generico.

“Mi no lo duna comentario riba especulacion anonimo, pero pa reitera, mi semper a nenga e acusacionnan,” Horner a bisa den un declaracion lesa pa un vocero di

ekipo den number di Horner. A nota cu e tabata un declaracion solamente for di Horner y no den number di Red Bull.

“Mi a respera e integridad di e investigacion independiente y a coopera cune completamente den cada stap,” e declaracion di Horner a sigui bisa. “E tabata un investigacion amplio y husto conduci pa un abogado especialista independiente y el a ser conclui, rechazando e keho entrega. Mi ta keda completamente enfoca riba e comienso di e temporada.”

Panam Sports cu campo di entrenamiento na caminda pa Paris 2024

Mas di 370 atleta di 19 deporte lo ta prepara pa e Weganan Olimpico di Paris 2024 den un campo di entrenamiento na e region di Mulhouse Alsace Francia.

E campo di entrenamiento lo ta iniciando for di dia 14 di juli y lo dura te cu 3 di augustus y lo ta e mas grandi den historia di e Weganan Olimpico aceptando atletanan di mas cu 31 pais.

E region di Mulhouse Alsace ta sinti orguyoso di por hospeda tanto atleta y yudanan cu nan preparacion pa e weganan. E instalacion nan cu tin na e region aki ta entre otro atletismo, badminton,



boxeo, natacion y mas.

E campamento no ta solamente pa preparacion deportivo, pero tambe por disfruta di eventonan social y

cultural, cu interaccion entre e atletanan y e comunidad local.

E inauguracion oficial di e campo di entrenamiento a conta cu participacion di au-



toridadnan local y representante nan di Panam Sports pa muestra e importancia di e campamento historico aki. Faltando 149 dia pa e Wegan-

an Olimpico e iniciativa aki ta pa optimalisa e rendimiento di e atletanan y laga un impacto positivo pa e comunidad.

Departamento di Impuesto ta haci cambio temporal di localidad pa cu servicio publico

En conexion cu trabounan di mantencion necesario

Departamento di Impuesto ta haci un cambio temporal di localidad pa cu servicio publico. Esaki ta debi na trabounan di mantencion necesario na oficina principal na Camacuri. Mientrastanto Departamento di Impuesto kier sigura cu ta sigui brinda servicio na publico sin interrupcion. Siguiementemente ta sigui un skema di e localidadnan cu lo keda activa durante e proximo siman.

Valido durante proximo siman (maart 4 – maart 8)
Oficina principal na Camacuri:

Cera

Oficina anexo na Camacuri (Ta drenta na porta nr. 2):
7:45 - 11:30 | 1:15 - 3:30
- Servicio di caha pa persona 60+ (no comerciante) y pa e personanan cu ta haya onderstand
- Busca of entrega plachi di number

Oficina anexo na Camacuri (Ta drenta na porta nr. 5):
7:45 - 11:30 | 1:15 - 3:30
Servicio na cliente:
- Entrega documento
- Busca documento
- Busca carchi di persoon-
nummer
- Informacion tocante areglo

di pago

E oficinanan situa na MFA Noord; MFA Paradera; MFA Santa Cruz; MFA Savaneta; Postkantoor San Nicolas:
8:00 - 12:00 | 1:00 - 3:00
- Servicio di caha
- Registra auto
- Haci cambio riba vehiculo di motor

E oficinanan situa na MFA Paradera: 8:00 - 12:00 | 1:00 - 3:00
Servicio na cliente:
- Entrega documento
- Busca documento
- Busca carchi di persoon-
nummer
- Informacion tocante areglo



di pago

E servicio na cliente via telefon 522 7424 ta continua durante e orario di custumber: 7:45 - 11:30 | 1:15 - 3:30.

Departamento di Impuesto ta pidi su contribuyentenan pa tuma bon nota di e anuncio importante aki pa asina evita cualkier inconveniencia.

Resultado Sorteo <i>februari 29</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
0541	6204	2864	1930
6409	3790	SUPER5	9667
2500	2978	12384	1122
MERDIA	ANOCHI		
			Joker Letter
Sorteo # 4196	Sorteo # 8183	Sorteo #	Proximo Jackpot
9270	2540	0 x Jackpot	525.000,-
9061	8000	0 x Match 4+	
7865	7989	0 x Match 4	
		0 x Afl. 12,00	
X2	X2		03-04-10-23-28
		Sorteo # 6402	Proximo Jackpot
Sorteo # 4196	Sorteo # 7227	1 x Jackpot	50.000,-
1651	0391	6 x Match 4	
		166 x Afl 8,00	
X2	X2		Mega Ball
		Sorteo #	Proximo Jackpot
Sorteo # 2252	Sorteo # 1932	0 x Jackpot	250.000,-
4662	4294	0 x match 4	
		0 x Afl. 500,00	
		0 x Afl 50,00	
Sorteo # 4196	Sorteo # 5986	0 x Afl. 15,00	Afl. 550.000,-
1330	1100		
Piscis	Aries		
		Sorteo #	
Sorteo # 1070	Sorteo # 916		
862	510		
X2	X5		

Santo Rosario y S. S di misa na Alto Vista y na (Blue Army Center) San Nicolas Centro Curason di Maria



Diasabra mainta ta cuminsa resa Santo Rosario pa 6.15. Pa 7or di mainta, S. Misa ta cuminsa na Blue Army Center y Kapel di Alto Vista. Tur hende ta invita pa atende misanan na Alto Vista y Blue Army Center na San Nicolas. Mainta prome cu solo Sali ya hendenan ta percura pa cuminsa e dia cu oracion. Aki tin algun obranan pa nos por logra den cuaresma, haci empeño pa penetencianan. Pa den temporada di cuaresma:
Obranan di misericordia corporal:
- Duna esnan cu hamber, di come
- duna nan cu tin sed, di bebe
- Bisti esnan cu ta sunu, di bisti
- Duna peregrino, un luga sigur
- Bishita enfermonan,
- Bishita prisioneronan
- Dera defuntonan
Obranan di misericordia Spiritual:
- Corigi bo ekibokacionnan
- Siña esnan cu no ta comprende

- Consha esnan cu tin mes-
ter
- Consola esnan cu ta tristo
- Soporta desfectonan cu pa-
senshi
- Pordona esnan cu a ofende
bo
- Resa pa bibo y pa defun-
tonan
Papa Francisco, Obispo Luis
Secco, tur sacerdote, Diaco-
no y laiconan cu ta hiba e bon
noticia pa e pueblo di Dios.
Pa nos Gobernantenan y tur
cu ta carga responsabilidad
pa nos pais Aruba. Pa enfer-
monan den exterior cu a bay
busca nan salud. Cu pronto
lo regresa Aruba pa gosa di
un bon salud dentro di su
famia.
Pa esnan cu por hinca rudia.
Hinca rudia busca refugio
na nos Mama Celestial. E ta
guia nos riba e Caminda cu
Dios ta. Cu Mama Maria den
nos curason. Ta den tempo
di cuaresma, purba sacrifica
un poco, come menos, bebe
mas awa. nos Mama stima,
compaña nos den e caminda
di Señor. Ban hunto resa pa
nos hogar y nos isla Aruba y
henter mundo, pa tin pas y
comprension pa otro.



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Oduber Seroe Preto
Tel. 582 1780 Tel. 584 4833

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

Departamento di Labor y Investigacion ta recorda dunador di trabao pa participa den encuesta riba nan experiencia cu hoben riba mercado laboral

Departamento di Labor y Investigacion (DAO) ta recorda tur dunador di trabou riba nan invitacion pa participa den e encuesta digital relaciona cu nan experiencia trahando cu hobennan riba e mercado laboral. Ta brinda un oportunidad pa participa te cu 28 di maart 2024.

DAO a inicia cu e encuesta 29 di januari 2024 y ta duna oportunidad pa participacion te cu fin di maart. E encuesta ta brinda dunador di trabou e oportunidad pa contribui informacion valioso cu por uza pa yuda durante e desaroyo di un maneho laboral, un accion cu por resulta den cambianan positivo pa e actividadnan empresario. E obhetivo di e investigacion aki ta pa haya un bista mas amplio di e experiencia di e dunador di trabou cu e grupo di hoben disponibel riba e mercado laboral. Esaki ta encera hoben di 15 pa 24 aña di edad, y tambe e hoben adulto di 25 pa 29 aña di edad riba e mercado laboral di Aruba.

E investigacion aki ta encera e compilacion di informacion riba entre otro e proceso pa recluta y empleo di e hoben trahado for di bista di Aruba su dunadornan di trabou. E datonan aki ta contribui na e identificacion di e areanan di nos mercado laboral cu ta rekeri intervencion di maneho laboral.

Nos ta pidi encarecidamente pa participa na e encuesta aki cu lo tuma mas o menos 15 minuut di bo tempo. Aki por encontra e linknan pa participa.

Version na Hulandes di e encuesta <https://www.surveymonkey.com/r/SWTS2024NED>

Version na Ingles di e encuesta <https://www.surveymonkey.com/r/SWTS2024ENG>
Participacion den e investigacion aki ta completamente boluntario. Lo publica tur

Multi family Yard Sale
diasabra (2) y diadomingo (3) di maart di 9'or pa 3'or
Paradera 198-H
Tel.594 1527



informacion y dato ricibi na forma agrega, sigurando proteccion di identidad di e dunador di trabou. Pa mas informacion tocante e encuesta, por tuma contacto cu Bureau Arbeidsmarktonderzoek, na 5237720 of por manda un email pa mandy.lacle@aruba.gov.aw of simon.brete@aruba.gov.aw. Nos ta gradici bo pa bo tempo

y boluntad pa contribui na e investigacion importante aki. Bo empresa su participacion ta aporta grandemente na e desaroyo di e maneho laboral como tambe intervencionnan pa mehora oportunidadnan di empleo pa hobennan. Nos ta pidi bo cooperacion pa completa e encuesta prome cu 28 maart 2024.

Pronostico di tempo

Tempo:

Awe tardi y awe nochi: parcialmente nubla y generalmente seco
Den marduga y mañan: parcialmente nubla cu un awasero breve


Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 38 grado Celsius
UV index: 10

Bahada di solo : 6:49 pm
Subida di solo : 6:55 am

Biento:

Moderado for di direccion generalmente oost;
Forsa 3 te 4 (11 te 30 km/ora, 7 te 16 nudo).
Den dia basta fuerte te fuerte den rafaga;
Forsa 5 te 6 (31 te 50 km/ora, 17 te 27 nudo).

Situacion general di tempo pa proximo 24 ora:
Humedad cu ta move cu e



fluho di aire lo por ocasiona de bes en cuando mas nubla. Esaki lo produci un awasero pasahero te breve localmente.

Condicionnan maritimo/estado di lama:

Na partinan protegi di costa: keto, rond di 1 pia.
Na partinan zuid: trankil te modera, entre 2 pa 3 pia.
Na partinan oost te noordwest di costa: generalmente modera cu olanan di 4 pa 5, localmente 6 pia.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi no a muri, Dios a hiba mi na e paraiso priminti.
Mi mision na e mundo a termina pero Boso cu mi
obra lo continua.
Den cada salida di solo y e supla di biento, mi amor
eterno pa Boso lo tey pa semper.

Cu dolor na nos curason, pero cu inmenso gratitud
pa su bida y pa tur locual e la significa pa nos.

Nos ta anuncia fayecimento di nos querida mama y
wela stima



Germania Ondina Martinez
Cariñosamente yama "Oma" of "Tia"
*28-05-1928 - †23-02-2024

Yiunan stima: Wilfredo (Junior) y Maria Labad-
Maduro

Robert (Robby) Labad
Maritza y Frank Tromp-Labad

Nietonan y Nietanan: Shahaira Labad y Jorge Pet-
rocchi

Anuar Labad y Diana Castaño
Shensly y Isabel Tromp-Yagua
Lindsey Tromp y Jonathan Zichem

Bisanieta y bisanietanan: Milan, Ziva y Emma

Sobrino, sobrinanan, primonan y ihanan: Iris, Ray-
za, Jasmina, Evelyn, Leandro, Ilse, Lita, Efreem, Dr.
Batista, Felix Jr. y Chaco

Amigonan: Glenda K, Brenda, Imelda, Milly, Glen-
da D, Jessica, Richard y Starlin

Ayudante: Andrea Cuevas Jimenez y familia

Su bon bisañanan, voluntarionan y miembronan di
Funari y Favi.

Su cacho stima: Jack

Famianan: Martinez, Labad, Maduro, Tromp, Pet-
rocchi, Yagua, Zichem, Castillo, De Lange, Hen-
riquez, Themen, Kock, Rasmijn, Chung, Sneek,
Richardson, Batista, Diaz, Jimenez, Ilario, De Lima,
Schmidt, Maldonado, v/d Linden.

Y demas famianan den exterior na Corsou, Hu-
landa, Merca, Canada, Venezuela, St. Maarten y St.
Domingo.

Oportunidad pa condolencia lo ta dialuna 4 di Maart
2024, 7pm pa 9pm na Aurora Funeral Home.

Ta invita pa acto di entierro cual lo tuma lugar dia-
mars 5 di Maart 2024, 2pm pa 4pm na Misa Virgen
di Fatima na Dakota. Despues lo sali pa Santana
Central na Sabana Basora.


Disculpa nos si den nos tristesa nos por a lubida un
of otro famia y conocir.

En ves di flor of krans lo tin un box disponibel pa
donacion pa Funari.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Bou alanan di dios mi ta sigur mi
refugio, mi forti, mi dios, den kende mi ta
pone mi confiansa - Salmo 91



Ludmilla Shamila Urseilla Benitez-
Koolman
Cariñosamente yama Sha of Shami
08-Juni-1970 - 23-Februar-2024
Propietaria di Sha Wheelz And More

Mama: Winney Everon
Tata: †Casper Koolman
Casa: Anuar Benitez Mendoza
Yiunan: Marshall Krozendijk
Selimah Krozendijk
Tata di su yiunan: Gregory Krozendijk
Suegra: Ladys Mendoza
Rumannan: Wendy Koolman y familia
Veruschka y Dinouska Koolman-Mauricia
Jorraine y Ivan werleman-Koolman y yiunan
Jetzebellise Koolman y yiu
Jeremina Koolman
Sobrino/onan: Kimberly Werleman
Raul Jr Lopez y Giselle De cuba Lopez
Cherrylusha Lopez y pareha
Emy Lacle y pareha
Sean Lacle y pareha
Jeadre Koolman
Shaylee Croes
Tanta y omonan: Miriam Everon
†Sila y Bill Everon - Maduro
†Vi Everon y †Irma Everon y yiu
Walter y Jacqueline Everon-Luydens
Gino y Griselda Everon - Koolman
Mayra y Miguel Tromp-Everon
Lourdes "Uchi" y Charly De Cuba-Everon
Marlyn y Osnie de Oliveira-Everon
Chinto Koolman y familia
Ina y Cosme Gomez-Koolman
Anna y Jacobo Henriquez-Koolman
Empleado: Walter Jr y Sra Nadine
Everon - Solognier
Richard realz Benites y pareha

Madrina y padrinonan, ihanan, prima y primonan
y demas famia: Koolman, Everon, Krozendijk,
Benitez Mendoza, Lopez, Maduro, De cuba,
Mauricia, Gomez, Henriquez, Werleman, Lacle,
Croes, Tromp, Luydens, Solognier, Oduber, Sprout,
Bergrok, Winterdal.

Nos sincero disculpa si den nos tristeza nos pora
lubida di menshona famia, amigo/a of conocir ta
inivita famia, conocirnan, clientenan di Sha Wheelz
and More pa entierro cu lo tuma lugar Diasabra 2
Maart 2024 saliend for di Aurora pa Sha Wheelz
and More 8:00 am y despues pa Aurora pa acto di
entierro entre 9:00 am cu 12:00 pm

Despues di entierro famia no lo recibi bishita na cas.
Preferibel bisti blanco of colornan alegre pa dia di
entierro

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".

Salmo: 23
Nos ta anuncia fayecimento di:



Fouad Antonio Daou
"Eddie Daou"

Acto di entierro lo wordo anuncia despues.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Een groot gemis, een groot verdriet,
maar door alle herinneringen die wij hebben vergeten
wij hem niet.

Na een voltooid leven, zoals Peter zelf zei, is hij van
ons heen gegaan op weg naar zijn laatste reis, thuis
omringd door zijn familie.

Wij gaan onze 'rots in de branding' en leermeester
enorm missen.

Peter Westera
"bekend als opa bij velen"

29 juli 1939 - 24 februari 2024



Amersfoort: Michiel & Veronica

Patrick, Berend, Rowen

Leusden: Irene & Chris

Britt, Bo, Benthe

Aruba: Aldert & Samanta

Amanda, Ethan, Nathan

Peter zal naar zijn laatste wens worden gecremeerd in
besloten familiekring.

Gelieve geen bezoek aan huis.
Correspondentieadres: Familie Westera, Sabana Liber 76,
Aruba of
Per mail: appiesammy@hotmail.com

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Padre Celestial, viniste cuando más te necesite y con tu manto celestial me abrasaste, quitándome mi dolor, y mostrándome que a tu lado todo estaría bien y que estaría en paz.

Padre Celestial, con el abrazo de tu manto celestial me diste la fuerza para despedirme de mi familia, dejando les como mensaje que los amo y siempre estaré a su lado.

Padre Celestial, te pido que mi fuerza y lucha en vida, sea ahora la guía y fortaleza que mis hijos han de necesitar para seguir adelante y con todo el amor que siempre les di en vida.”

~ Autor: Rafael A. Wever Granada~



Mariela Granada Garcia
Cariñosamente yama “Tanchi”, “Tanchi Jela” of “Marielita”
*27-09-1949 - 01-02-2024
Viuda di Orlando “Chiky” Wever

Na number di su yuinan:

Luis Fernando Piedrahita y Alix Gallego (Colombia)
Carlos Arturo Granada y Maria Luz Aristizabal (Colombia)
Rafael A. Wever (Aruba)

Manera yui:

Silvia-Monica Semeleer y familia.

Nietonan:

Johan Camilo Piedrahita Gallego (Colombia)
Diego Alejandro Piedrahita Gallego (Colombia)
Miguel Angel Granada Aristizabal (Colombia)
Carlos Daniel Granada Aristizabal (Colombia)
Julian David Granada Aristizabal (Colombia)

Bisanieto:

Christopher Granada Velasquez (Colombia)

Su rumannan:

Francisco Granada Garcia y familia (Colombia)
Jose Alberto Granada Garcia y familia (Colombia)
Maria Rosalba Granada Garcia y familia (Colombia)
Jose Rodrigo Garcia y familia (Colombia)
Jorge Hernan Garcia y familia (Colombia)

Swa y Cuñanan:

Johannes “Jopie” Wever y familia
Serapio “Latic” Wever y familia
Linda Klijn-Wever y familia (Nederlands)
Oswaldo “Dicky” Wever y familia
Sophie Semeleer-Wever y familia
Joyce Wever
Diana Oduber-Wever y familia
Ramon Wever
Shirley Sanders-Wever y familia
Norma Koolman-Wever y familia
Kenneth Wever y familia
David Wever y familia

Ihanan, sobrino y sobrinanan, primo y primanan, comer y compernan, amigo y amiganan, conocirnan, ex coleganan di Lee Feng Supermarket.

Y demas familia:

Granada, Garcia, Piedrahita, Gallego, Aristizabal, Wever, Lopez, Donata, Semeleer, Oduber, Sanders, Koolman, Croes, Vrolijk, de Lange

Ta invita pa asisti na acto di condolencia y despedida, cual lo tuma lugar:

Diasabra, 2 di Maart 2024, na Aurora Funeral Home di 7:00pm pa 9:00pm.

Cremasion lo tuma lugar na Manizales, Caldas - Colombia.

Nos kier a pidi disculpa cu despues di condolencia y despedida, nos no ta ricibi bishita di condolencia na cas.

Canada ta reimpone rekisito di Visa pa Mexicanonan



(AP) - Canada su gobierno lo bolbe impone e rekisito di visa pa nacionalnan Mexicano cu bishita Canada, e minister di inmigracion a anuncia diahuebs.

Quebec su premier a urgi e gobierno Canades pa baha e fluho di inmigrante, cual e ta bisa a cuminsa impacta recursonan. Merca su gobierno tambe a urgi Canada pa tuma accion mirando cu hopi Mexicano ta crusando ilegalmente for di Merca pa Canada.

Minister di Inmigracion Marc Miller a bisa cu e reglanan nobo lo drenta den efecto diahuebs atardi. “Nos a mira un crecimiento grandi den e solicitudnan di asilo particularmente for di nacionalnan Mexicano den e ultimo año,” Miller a bisa. Segun e minister, Mexico ta responsabel pa 17 porciento di tur solicitud pa

asilo ricibi pa Canada for di rond mundo y ta bisa cu mayoria ta ser rechasa, retira of bandona, cual ta haci cu e cambio ta necesario.

“E peticionnan cu no tin ni sikiera un posibilidad di exito ta pone presion riba e sistema y ta pone un presion riba e sosten social cu e hendenan aki ta ricibi,” el a bisa. “E tin un efecto riba henter e sistema.” Miller a bisa cu Prome Minister di Canada Justin Trudeau a trece dilanti e problema aki cu Mexico su presidente cada biaha cu e tabata papia cune y a bisa cu no ta haciendo suficiente pa disminui e cantidad. Trudeau su gobierno a retira e rekisito di visa pa bishitantenan Mexicano na fin di año 2016, kitando un iritante grandi den e relacion di ambos pais.

Sinembargo data di departamento di inmigracion ta muestra cu e solicitudnan pa asilo di Mexicano a aumenta dramaticamente. Den año 2015 tabatin solamente 110 peticion, sinembargo e cantidad a aumenta na casi 24,000 año pasa.

Gobierno di Quebec ta haciendo yamado na Ottawa pa reembolsa 740 miyon dollar., cual ta e cantidad cu e provincia ta bisa el a gasta riba e cantidad di solicitante di asilo. Miller a bisa

cu Canada su relacion cu Merca tambe ta un factor. “Nos a mira e cantidad di solicitantenan drenta Merca,” Miller a bisa. “Nan no ta nada compara cu loke Merca ta mirando na nan frontera cu Mexico pero nan ta importante y nan a aumenta dramaticamente den e ultimo 2 año,” el a bisa. “Y esaki ta algo cu nos tin cu maneha como partner di Merca.” Anteriormente, proveedornan di servicio di refugiado na Montreal a bisa cu famianan Mexicano ta huy for di violencia, inseguridad y falta di trabao na Mexico. Canada ta otorga asilo solamente na personanan cu ta kere cu no por biba safe den cualkier parti di nan pais natal, pa motibo cu e oficialnan no por of no ta dispuesto na provee e condicionnan aki.

President Mexicano Andres Manuel Lopez Obrador a expresa lamento diahuebs pa Canada su decision di reimpone e rekisito di visa pa ciudadanonan Mexicano. “Nan por a busca otro opcionnan,” el a bisa durante su speech diario riba media. El a sigura cu e medida no lo causa un ruptura den Mexico su relacion cu Canada y a agrega cu su administracion lo busca alternativa

Experto di Nacionnan Uni ta acusa gobierno di Nicaragua di abuso “igual na crimennan contra humanidad”

(AP) - Un panel di exper-tonan di derechonan humano di Nacionnan Uni riba diahuebs a acusa gobierno di Nicaragua di abusanan sistematico di derechonan humano “igual na crimennan contra humanidad,” implicando un cantidad oficialnan di rango halto den e gobierno di President Daniel Ortega.

E acusacionnan ta bini despues di un investigacion tocante e pais su accion contra oposicion politico. E gobierno di Ortega a actua contra oposicion pa añanan largo pero esaki a yega un punto severo cu protestanan masivo contra e gobierno den año 2018 cu a caba na accion violento di autoridadnan.

Den e ultimo año, represion a expande na cantidadnan grandi di sociedad cu un enfoque riba “incapacita cualkier tipo di oposicion den termino largo,” segun e grupo independiente di exper-tonan cu ta investigando esaki desde maart 2022. E exper-tonan no ta



papia pa henter e curpa mundial pero ta traha bao un mandato for di Human Rights Council. “Violacionnan sistematico di derechonan humano, igual na crimennan contra humanidad, ta sigui empeora pa e gobierno di Nicaragua pa motibonan politico,” e grupo a bisa.

E estado a bay den contra di ciudadanonan, incluyendo studentenan di universidad, Nicaraguensenan Indigena y di color scur y miembronan di Misa Catolico. Muchanan y miembronan di familia awo ta ser ataca sola-

mente pa motibo cu nan ta relaciona cu e hendenan cu a lanta nan bos contra e gobierno.

Ortega su gobierno den varios ocasion a bisa cu e manifestacion en masse den su contra den año 2018 ta constitui un golpe de estado fracasa orkesta pa Merca y tipicamente ta defende cualkier accion tuma den contra di oposicion como accion tuma pa combati complot anti gobierno.

E gobierno no a contesta peticion pa comentario tocante e reportaje en cuestion.

Putin ta adverti cu manda trupa na Ucrania ta nifica riesgo di guerra nuclear global



(AP) - President Ruso Vladimir Putin a priminti diahuebs cu e lo cumpli Moscu su metanan na Ucrania y a adverti fuertemente Occidente contra un rol mas profundo den e lucha, bisando cu un movida asina ta yen di riesgo di un conflicto nuclear global.

Putin su advertencia a bini den un speech dirigi na e nacion prome cu proximo luna su eleccion cu e ta sigur di gana, enfatisando su disposicion pa aumenta e nivel di

e guerra pa proteha e avance Ruso na Ucrania. Den un referencia na President Emmanuel Macron su declaracion anteriormente e siman aki cu e despacho di trupanan di occidente pa Ucrania no mester keda “descarta,” Putin a adverti cu esaki por causa “consecuencianan tragico” pa e paisnan cu dicidi di haci esaki.

Putin a nota cu mientras ta acusa Rusia di plan pa ataca aliadonan di NATO den Europa, e aliadonan den occidente ta “selectando e victimanan pa ataca nos territorio” y “papiando tocante manda contingente di NATO pa Ucrania. Nos ta corda e resultado di otronan cu a manda nan trupanan na e territorio di nos pais,” e lider Ruso a bisa den un mencion aparente di e invasion fracasa di Napoleon y Hitler. “Awo, e consecuencianan pa e invasionnan potencial lo ta hopi mas tragico.”

Den un speech di dos ora dilanti un audiencia di legisladornan y oficialnan top,



Putin a pinta e lidernan di occidente como irresponsabel y a declara cu nan mester tene na cuenta cu “nos tambe tin e armanan cu por golpia nan territorio y awo nan ta sugeriendo y dunando miedo na mundo cu, loke ta solamente aumenta e menasa real di conflicto nuclear cu lo nifica

e destruccion di nos civilisation.”

E declaracionnan fuerte a bini despues di advertencianan anterior di Putin, ken a duna recordatorionan frecuente tocante Rusia su poder nuclear desde cu el a manda trupa invadi Ucrania den

aña 2022, parti di su esfuerso pa desencursha occidente di expande su sosten militar pa Kyiv.

Putin a enfatisa cu Rusia su forsanan nuclear ta “completamente cla,” bisando cu e chercito a despacha armanan nobo potente y algun di nan a test na e guerra cu Ucrania.

Hues ta blokea ley di Texas cu ta duna polis poder amplio pa aresta migrante cu drenta Merca ilegalmente

(AP) - Hues federal riba diahuebs a blokia un ley nobo di Texas cu ta duna polis podernan amplio pa a aresta migrantenan sospecha di drenta Merca ilegalmente, dunando un victoria na e administracion di Biden den su lucha cu gobernador Republicano Greg Abbott a causa di migracion.

E blokeo preliminar otorga pa hues di distrito Mericano David Ezra ta pone pausa na un ley cu mester a drenta den efecto dia 5 di maart y ta bini den bista di President Joe Biden y su rival Donald Trump den november, kendenan tabata na e frontera di Texas pa trata inmigracion. Oficialnan di Texas ta anticipa di apela e decision aki.

Oposicion a yama e medida di Texas e intento mas dramatico pa un estado pa controla inmigracion desde un ley den Arizona cu e oposicion a yama “Show Me Your Papers.” Corte Supremo par-

cialmente a retira e ley aki sinembargo algun lider Republicano di Texas kier pa e decision aki ricibi un di dos evaluacion.

E demanda ta entre varios bataya legal entre Texas y President Joe Biden su administracion tocante con leu e estado por bay pa preveni cu migrantenan lo crusa e frontera. E medida aki lo permiti e oficialnan di e estado aresta hende sospecha di drenta e pais ilegalmente. Na momento cu nan ta den custodia, nan lo por acepta un hues di Texas su ordo pa sali for di e pais of ser acusa cu un cargo criminal pa drenta Merca ilegalmente. Migrantenan cu no sali for di e pais despues di ricibi ordo pa haci esaki por ser aresta un biaha mas y keda acusa cu un crimen mas serio.

Gruponan cu ta boga pa derechonan civil, cu tambe a demanda e estado, a argumenta cu e ley por causa violacionnan di derechonan civil



y perfilnan etnico. Sinembargo, republicanonan cu ta sostene e ley ta bisa cu esaki no lo afecta inmigrantenan cu ya caba ta biba na Merca a causa di e statuut di limitacion riba e acusacion di entrada ilegal y lo ser aplica solamente na e estado su frontera cu Mexico.

Tensionnan a permanece haltu entre Texas y e administracion Biden e aña aki tocante ken lo por patruya e frontera y con. Otro gobernadornan GOP a expresa sosten pa Abbott, ken a bisa cu e gobierno federal no ta haciendo suficiente trabao pa aplica leyman di inmigracion.

Entre otro, Texas a pone bareranan flotante den Rio Grande, wayanan na e frontera cu Mexico y a stop agentenan di Border Patrol di tin acceso na Eagle Pass unda anteriormente nan tabata procesa migrantenan.

Al menos dos decena di migrante a muri riba costa di Senegal purbando di yega Europa

(AP)—Al menos dos decena di hende a muri riba e costa noordoost di Senegal y hopi mas a keda herida ora nan boto a bolter, segun oficialnan, subrayando e peligro di e ruta uza pa un cantidad creciente di migrantenan buscando pa yega Spaña for di West Africa.

E boto tabata rumbo pa Europeo y a bolter cerca di un ciudad di Saint-Louis, unda curpanan a drif bay riba e santo di lama diaranson at-

ardi y e bombero local a ser alerta, segun Alioune Badara Sambe, e gobernador local.

Esnan herida ta bao tratamiento den un hospital na Saint-Louis y un investigacion den e circunstancianan rondonando e accidente a ser habri, el a bisa. E cantidad di migrantenan saliendo for di Senegal riba botonan di palo a surgi aña pasa, y casi 1,000 hende a muri purbando di yega Spaña via lama den e prome seis lunanan di 2023, segun e grupo di abogacia di

migracion Spaño, Walking Borders.

Factornan manera desempleo hubenil, inkietud politico y e impacto di cambio di clima ta pusha migrante pa riesga nan bida riba botonan preta. Senegal tin tempo den tumulto como cu eleccion pa februari a ser retrasa pa e presidente, cual a resulta den protestan mortal. Eleccionnan a ser proponi pa juni pero no ta claro si y ki ora e presidente, di ken su termino ta caba oficialmente den april, lo retira.



Union Europeo ta move pa caba cu impasse cu Polonia tocante politica anti-UE y ta cuminsa aloca biyones den fondo

(AP)—E Union Europeo a tuma un stap grandi diahuebs pa caba cu e punto morto cu estado miembro Polonia, bisando cu e lo cuminsa aloca biyones di euro cu a ser para pa via di loke e bloke a bisa tabata e reincidencia di principalnan democratico di e gobierno anterior na Polonia.

E movida aki ta un premio importante pa e prome minister Polaco Donald Tusk, ken a busca desde cu el a tuma oficina na december pa cambia e medidanan implementa pa e gobierno conservativo anterior. Banda di su significancia politico, e ta habri e caminda pa te cu 135 biyon euro den ayudo Europeo pa Polonia pa e proximo añanan.

E decision ta fortalece un cambio den relacionnan. Ambos banda tabatin tension despues cu e partido nacionalista di Polonia Law and Justice a bin na poder na 2015 y a implementa reformanan cu ta criticonan a bisa a pone e hudicial di e pais bao control politico. UE a menasa di suspende e derechonan di voto di Polonia dentro di e organizacion y tambe a bloke su acceso na fondonan di UE.

“Awe ta marca un dia special pa Polonia,” segun Vice Presidente di e Comision di UE Valdis Dombrovskis. “Danki na su esfuerso pa restaura e regla di ley, awo nos por habri acceso na fondonan cu ta nacionnan den UE recupera for di e crisis di Covid-19 y yuda nan economia logra e standardnan di nacionnan miembro mas rico.



Bao reglanan financiero complica di UE, Polonia por ricibi durante e proximo simannan e prome 600 miyon euro for di e fondo di ayudo di 75 biyon euro cu a ser bloke. Mas fondo lo ser transferi un bes cu Polonia entrega documentonan di proyectonan. Un desembolso di 6.3 biyon euro for di un programa di 60 biyon euro pa acelera e recuperacion for di e pandemia di Covid-19 mester ser aloca pronto.

Na Warsaw, e vice-minister di asunto den exterior, Andrzej Szejna, a bisa cu e alocacion di e fondo ta nifica cu Tusk a gana e confiansa back di UE den Polonia. “E noticia di awe ta hopi importante pa nos. Esaki ta e resultado di e

esfuersonan tuma pa e gobierno actual, cual ta purba di ta efectivo,” Szejna a bisa.

Szejna a bisa cu e disponibilidad di e fondonan lo tin un impacto riba e economia via inversion y por contribui na reduciendo e grado di desempleo na Polonia, cual actualmente ta para na 5.4%.

E victoria di Tusk durante e eleccion den october tabata esencial pa logra e cambio. E Comision a reconoce awo cu esfuersonan insuficiente pa resolve e problemanan a ser haci pa e por cuminsa aloca e fondonan. Si Polonia no cumpli cu esaki completamente, UE por implementa medidanan restrictivo atrobe. Vice Presidente di UE Vera

Jourova a muestra confiansa den e politica di Tusk, bisando cu “awe nos ta bira e pagina riba e problemanan di regla di ley cu Polonia mientras nos ta reconece e esfuersonan importante haci pa e gobierno.”

E coalicion di tres partido pro-Europeo na Polonia lidera pa Tusk a gana eleccion parlamentario dia 15 di october y a tuma e oficina den december, sucediendo e partido di Law and Justice cu a goberna pa ocho aña y a introduci cambionan na e sistema di husticia, derechonan reproductivo y e media cu a pone Polonia den tension constante cu UE.

Un logro den e punto morto a bin despues cu minister di husticia Polaco, Adam Bod-

nar, a presenta un “plan di accion” na oficialnan Europeo cual a describi un propuesta di legislacion. Oficialnan di UE tambe a subraya cu algun di e propuestanan den e plan Polaco no por bira ley sin e aprobacion di Presidente Andrzej Duda, ken ta un aliado di e partido Law and Justice. Su termino ta core te 2025.

A pesar di retonan politico domestico, UE a dicidi cu tin suficiente motibo positivo pa cuminsa aloca e fondonan. E placa lo bin for di e fondo Next Generation di UE cual ta diseña pa yuda e meimbronan den e bloke recupera for di e pandemia y tambe forma un fondo cohesivo cu ta sostene desaroyo di infraestructura.